



2009 წელი, 17 - 23 დეკემბერი

ფასი 90 თეთრი

ახალი განათლება

№39 (473) გამოდის 1998 წლიდან



ტროპარი წმინდა ბარბარესი

ძალწულაბითა განშვიანებულო და წამებითა გაბრწყინებულო,
სასწაულთა მოქმედო, სენთა და ზუბრთა მკურნალო,
დიდო ძალწულმონათაო ბარბარე, მეოხ გვეყავ ჩუენ ცოდვილთა.

„საჯარო ფიქრი“ ქართულ იდეაზე

გვერდი 4-5

იგავი

თავკერძობის

შესახებ

გვერდი 5

ქველი მოზარდები

უფროსებთან და
თანატოლებთან
ურთიერთობა
მოზარდობის ასაკში

გვერდი 6

მინდა, ჩემი ქლასი

ყველაზე

გეგობრული და

შეკრული იყოს

გვერდი 7

სკოლა კი არა –

ქველი გეგყველი

გვერდი 9

„ახალი განათლების“ ხელმოწერითა საყურადღებოდ!

2010 წლის ხელმოწერის მსურველებმა
ერთდღიანი ხელმოწერის თანხა – 36 ლარი ან
6-თვიანი ხელმოწერის თანხა –
21 ლარი 60 თეთრი უნდა გადმოირიცხონ
იანვრის ბოლომდე.

ჩვენი რეკვიზიტებია:
საქართველოს ბანკის
ცენტრალური ფილიალი
ს/კ 202058735; ბ/კ 220101502; ა/ა 123631000



ეროვნული სასწავლო ოლიმპიადა



ბთავაზობთ ინფორმაციას 2010 წლის სასწავლო ოლიმპიადის ჩატარების შესახებ

ეროვნული სასწავლო ოლიმპიადის I ტური ქიმიაში

2010 წლის ეროვნული სასწავლო ოლიმპიადა ქიმიაში 2 ასაკობრივ ჯგუფში (X და XI-XII კლასების მოსწავლეთათვის) სამ ტურად ჩატარდება.

ოლიმპიადის მიზანია გამორჩეული ცოდნითა და ნიჭით დაჯილდოებული მოსწავლეების გამოვლენა, მათი წახალისება და სასწავლო პროცესის სტიმულირება. მოსწავლეებს მოეთხოვებათ როგორც თეორიული ცოდნა, ასევე პრაქტიკული შინაარსის ამოცანების ამოხსნა.

I ტური შესარჩევია. მაქსიმალურია 25 ქულა. შემდეგ ტურში მონაწილეობას მიიღებენ 1-200 ადგილებზე გასული მონაწილეები, რომლებიც 13-ქულიან ზღვარს გადალახავენ.

ქიმიის პროგრამა ოლიმპიადის I ტურისთვის შეგიძლიათ იხილოთ შემდეგ მისამართზე:

http://www.naec.ge/files/1424_2010-olimpiada-Qimia-programa-I-turi.pdf

ეროვნული სასწავლო ოლიმპიადის I ტური ბიოლოგიაში

2010 წლის ეროვნული სასწავლო ოლიმპიადა ბიოლოგიაში 3 ასაკობრივ ჯგუფში (IX, X და XI-XII კლასების მოსწავლეთათვის) სამ ტურად ჩატარდება.

ოლიმპიადის მიზანია გამორჩეული ცოდნითა და ნიჭით დაჯილდოებული მოსწავლეების გამოვლენა, მათი წახალისება და სასწავლო პროცესის სტიმულირება. მოსწავლეებს მოეთხოვებათ როგორც თეორიული ცოდნა, ასევე პრაქტიკული შინაარსის ამოცანების ამოხსნა.

I ტური შესარჩევია. მაქსიმალურია 25 ქულა. შემდეგ ტურში მონაწილეობას მიიღებენ 1-200 ადგილებზე გასული მონაწილეები, რომლებიც 13-ქულიან ზღვარს გადალახავენ.

ბიოლოგიის პროგრამა ოლიმპიადის I ტურისთვის შეგიძლიათ იხილოთ შემდეგ მისამართზე:

http://www.naec.ge/files/1426_2010-olimpiada-Biologia-programa.pdf

ეროვნული სასწავლო ოლიმპიადის I ტური ფიზიკაში

2010 წლის ეროვნული სასწავლო ოლიმპიადა ფიზიკაში 3 ასაკობრივ ჯგუფში (IX, X და XI-XII კლასების მოსწავლეთათვის) სამ ტურად ჩატარდება.

ოლიმპიადის მიზანია გამორჩეული ცოდნითა და ნიჭით დაჯილდოებული მოსწავლეების გამოვლენა, მათი წახალისება და სასწავლო პროცესის სტიმულირება. მოსწავლეებს მოეთხოვებათ როგორც თეორიული ცოდნა, ასევე პრაქტიკული შინაარსის ამოცანების ამოხსნა.

I ტური შესარჩევია. მაქსიმალურია 25 ქულა. შემდეგ ტურში მონაწილეობას მიიღებენ 1-200 ადგილებზე გასული მონაწილეები, რომლებიც 13-ქულიან ზღვარს გადალახავენ.

ფიზიკის პროგრამა ოლიმპიადის I ტურისთვის შეგიძლიათ იხილოთ შემდეგ მისამართზე:

http://www.naec.ge/files/1441_2010-olimpiada-Fizika-programa-I-turi.pdf



განათლებისა და მეცნიერების მინისტრმა დიმიტრი შაშკინმა კასპის რაიონის სოფელ ახალქალაქის განათლების მუშაკებს სადაზღვევო ვაუჩერები გადასცა

განათლებისა და მეცნიერების მინისტრმა კასპის რაიონის საჯარო სკოლის მასწავლებლებსა და ადმინისტრაციულ-ტექნიკურ პერსონალს სადაზღვევო ვაუჩერები გადასცა. დიმიტრი შაშკინი სოფელ ახალქალაქის საჯარო სკოლას ეწვია და განათლების ადგილობრივ მუშაკებს პირადად განუმარტა

დაზღვევის პირობები. მინისტრის თქმით, თითოეულ ბენეფიციარს მომავალი წლის განმავლობაში 25 ათას ლარამდე უფასო სამედიცინო მომსახურების მიღების შესაძლებლობა ექნება. რაც ყველაზე მთავარია, განათლების მუშაკები სადაზღვევო კომპანიის არჩევანში თავისუფლები არიან. დიმიტრი

შაშკინი ადგილობრივ პედაგოგებს განათლების სისტემაში არსებულ პრობლემებსა და სამომავლო გეგმებზეც ესაუბრა. საჯარო სკოლის მასწავლებლები, ადმინისტრაციულ-ტექნიკური პერსონალი და სხვა სასწავლებლების პედაგოგები სადაზღვევო ვაუჩერის მიღების შემდეგ, სასურველ

სადაზღვევო ორგანიზაციას 2009 წლის 15 დეკემბრიდან 31 დეკემბრის ჩათვლით შეარჩევნენ. ექვსწლიანი სადაზღვევო პროგრამის ფარგლებში 83 ათასამდე ბენეფიციარისთვის 2010 წლის ბიუჯეტში 19 მილიონ ლარამდეა გათვალისწინებული (თითოეულ პედაგოგზე თვეში 15 ლარის ოდენობით).

Advertisement for IBSU (International Business School of University) featuring a world map logo and text in Georgian. The text promotes the school's international focus and lists various programs and contact information. Key text includes: 'შავი ზღვის საერთაშორისო უნივერსიტეტი', 'ასხადებს კონკურსს შემდეგი აკადემიური თანამდებობების დასაკავებლად', and 'სადაზღვევო ორგანიზაციას 2009 წლის 15 დეკემბრიდან 31 დეკემბრის ჩათვლით შეარჩევნენ...'.



საქართველოს პედაგოგთა და მეცნიერთა V საანგარიშო ყრილობა

2009 წლის 5 დეკემბერს საქართველოს პედაგოგთა და მეცნიერთა მე-5 საანგარიშო ყრილობა გაიმართა, რომელსაც 100000 მასწავლებლის სახელით 300-მდე დელეგატი და მოწვეული სტუმარი ესწრებოდა: საქართველოს პროფკავშირების გაერთიანების ხელმძღვანელი ირაკლი პეტრიაშვილი, განათლებისა და მეცნიერების მინისტრის მოადგილე ირინა ძურდაძე, სამინისტროს რეგიონალური კოორდინაციის დეპარტამენტის უფროსი ალექსანდრე ჟურული, საპარლამენტო თუ არასაპარლამენტო ოპოზიციისა და მისამართის წარმომადგენლები. ყრილობის თავმჯდომარე

რეგისტრაციის უფროსი ირაკლი პეტრიაშვილი, ქალბატონი მანანა ლურჯუაძე.

საანგარიშო ყრილობის დასრულებას წარუდგინა 2007 წლიდან დღემდე გაწეული საქმიანობის ანგარიში, ისაუბრა იმის შესახებ, თუ რისი გაკეთება შეიძლება საქართველოში წევრთა სამართლებრივი, შრომითი უფლებებისა და ინტერესების დაცვის კუთხით.

ყრილობამ განიხილა დღის წესრიგით გათვალისწინებული ყველა საკითხი და მიიღო რეზოლუცია. გთავაზობთ რეზოლუციის სრულ ტექსტს.

საქართველოს პედაგოგთა და მეცნიერთა თავისუფალი პროფკავშირის V საანგარიშო ყრილობის რეზოლუცია

საქართველოს პედაგოგთა და მეცნიერთა თავისუფალი პროფკავშირის V საანგარიშო ყრილობა აღნიშნავს იმ მიღწევებს, რაც ბოლო ორი წლის განმავლობაში განხორციელდა საქართველოს განათლებისა და მეცნიერების სისტემაში. სპმთპ-ის პრინციპული პოზიციის დამსახურებაა, რომ განათლების სისტემაზე შედარებით უმტკივნეულოდ აისახა რეფორმის განხორციელების პროცესში დაშვებული მძიმე შეცდომები და, სხვა დარგებისაგან განსხვავებით, შესაძლებელი გახდა მასობრივი უმუშევრობის თავიდან აცილება.

დრაკონული შრომის კოდექსის პირობებშიც კი, განათლების მუშაკები შედარებით უკეთ არიან დაცული სამუშაო ადგილზე და ესეც მათი პროფესიული კავშირის დამსახურებაა.

ზაზგასმით უნდა აღინიშნოს იმ მიღწევათა შესახებ, რაც სპმთპ-ის აქტიური და შეუპოვარი ბრძოლის შედეგად იქნა მოპოვებული განათლებისა და მეცნიერების სისტემაში. კერძოდ: გაიზარდა ერთ მოსწავლეზე გათვლილი ფინანსური ნორმატივის შესაბამისი ვაუჩერის ოდენობა, უმნიშვნელოდ, მაგრამ მაინც გაიზარდა საჯარო სკოლის პედაგოგთა შრომის ანაზღაურება, მასწავლებელთა კვალიფიკაციის ამაღლებისათვის სახელმწიფო ბიუჯეტიდან გამოიყო თანხა, განხორციელდა საჯარო სკოლაში დასაქმებულთა ჯანმრთელობის დაზღვევა სახელმწიფოს მიერ, პედაგოგებს შეუნარჩუნდათ 48-დღიანი შვებულება, მინიმუმამდე შემცირდა მოკლევადიანი შრომითი ხელშეკრულებების გაფორმება, გაუმჯობესდა საგანმანათლებლო დაწესებულებების მატერიალურ-ტექნიკური ბაზა და სხვ.

მოსმინა რა საქართველოს განათლებისა და მეცნიერების სისტემაში დღემდე არსებული პრობლემების შესახებ, საქართველოს პედაგოგთა და მეცნიერთა თავისუფალი პროფკავშირის V საანგარიშო ყრილობა აღნიშნავს, რომ მოსწავლეთა კონსტიტუციური უფლების - მიიღონ ხარისხიანი განათლება - უზრუნველყოფისათვის აუცილებელია, ქვეყნის მთლიან შიდა პროდუქტში განათლების ხვედრითი წილი გაიზარდოს ხუთ პროცენტამდე და ხელისუფლებამ მიიღოს ზომები, რათა:

ზოგადი განათლების სფეროში:

- ა) პედაგოგებს მიეცეთ შრომის სამართლიანი ანაზღაურება;
- ბ) შეიქმნას კომისია, რომელიც შეისწავლის საჯარო სკოლის დაფინანსების მოქმედი პრინციპით გამოწვეულ დადებით და უარყოფით შედეგებს. შემუშავდეს დაფინანსების ისეთი ფორმულა, რომელიც რეალურად ასახავს საჯარო სკოლების საჭიროებებს;
- გ) გაუქმდეს ე.წ. „კლასკომპლექტები“ და ხარისხიანი განათლება ხელმისაწვდომი გახდეს ყველა ბავშვისათვის;
- დ) სახელმწიფომ უზრუნველყოს საჯარო სკოლების ბიბლიოთეკების აღჭურვა სათანადო ლიტერატურით;

ე) გაიზარდოს მასწავლებელთა კვალიფიკაციის ამაღლებისათვის სახელმწიფო ბიუჯეტიდან გამოყოფილი თანხის ოდენობა და ყველა მასწავლებელს მიეცეს შესაძლებლობა, მოემზადოს სასერტიფიკაციო გამოცდებისათვის;

ვ) სახელმწიფომ უზრუნველყოს სასერტიფიკაციო გამოცდების სამართლიანად, ობიექტურად და გამჭვირვალედ ჩატარება;

ზ) სასერტიფიკაციო გამოცდების შედეგები აისახოს მასწავლებელთა ხელფასზე;

თ) სახელმწიფომ უზრუნველყოს საჯარო სკოლების მომზადება აკრედიტაციისათვის;

ი) დაწესდეს შეღავათები და სოციალური გარანტიები მალალმთიან რეგიონში დასაქმებული პედაგოგებისთვის;

კ) დაწესდეს შეღავათები და სოციალური გარანტიები განსაკუთრებული საჭიროებების მქონე ბავშვების მასწავლებლებისთვის;

ლ) დაწესდეს მასწავლებელთათვის ღირსეული პენსია სტაჟისა და დამსახურების მიხედვით;

მ) შეუფერხებლად მიეცეს შრომის ანაზღაურება ოკუპირებულ ტერიტორიაზე მდებარე სკოლებში დასაქმებულ პედაგოგებს;

ნ) რეგულარულად მიეცეთ პედაგოგებს მეცამეტე ხელფასი.

ტექნიკურ და დაფხვარე პერსონალს:

- ა) მიეცეთ შრომის სამართლიანი ანაზღაურება;
- ბ) მიეცეთ უფლება, ისარგებლონ შვებულებით და შექმნათ მათ შრომის ნორმალური პირობები;
- გ) ისარგებლონ მასწავლებლებისათვის სახელმწიფოს მიერ დადგენილი შეღავათებით.

სკოლის დირექტორებისთვის:

- ა) მიეცეთ შრომის სამართლიანი ანაზღაურება და დაწესდეს მათთვის ხელფასის გონივრული მინიმალური ზღვარი;
- ბ) სახელმწიფომ უზრუნველყოს სკოლების დირექტორთა კვალიფიკაციის ამაღლება.

სკოლამდელი აღზრდის

დანსაგულავაში დასაქმებულთათვის:

- ა) სკოლამდელი აღზრდა მოეცეს ერთიან საგანმანათლებლო სივრცეში და დაექვემდებაროს განათლებისა და მეცნიერების სამინისტროს იურისდიქციას;
- ბ) სკოლამდელი აღზრდის დაწესებულებაში დასაქმებულებს მიენიჭოთ პედაგოგის სტატუსი. გავრცელდეს მათზე საჯარო სკოლის პედაგოგებისთვის დადგენილი სოციალური შეღავათები და გარანტიები;
- გ) მოწესრიგდეს სკოლამდელი აღზრდის დაწესებულებების მატერიალურ-ტექნიკური ბაზა;

დ) უზრუნველყოფილ იქნეს ყველა ბავშვისათვის სკოლამდელი აღზრდის ხელმისაწვდომობა;

ე) სკოლამდელი აღზრდის დაწესებულებებში დასაქმებულებს გაუფორმდეთ უვადო შრომითი ხელშეკრულებები;

ვ) სახელმწიფომ უზრუნველყოს სკოლამდელი აღზრდის დაწესებულებებში დასაქმებულების კვალიფიკაციის ამაღლება.

უმაღლესი განათლების სფეროში:

ა) უმაღლეს საგანმანათლებლო დაწესებულებებს მიეცეთ რეალური ავტონომია;

ბ) უმაღლესი სკოლის მასწავლებელთათვის და კვლევითი ინსტიტუტის თანამშრომლებისთვის დაწესდეს შრომის სამართლიანი და ღირსეული ანაზღაურება;

გ) შეწყდეს დისკრიმინაცია უმაღლესი განათლების სფეროში დასაქმებულებისათვის ასაკობრივი ცენზის საფუძველზე;

დ) უზრუნველყოფილ იქნეს სასკოლო პროგრამის შესაბამისობა უმაღლესი საგანმანათლებლო დაწესებულების პროგრამასთან.

პროფესიული განათლების სფეროში

ა) გაიზარდოს პროფესიული სწავლების ცენტრების დაფინანსება;

ბ) პროფესიული სწავლების ცენტრებში დასაქმებულებს მიეცეთ შრომის სამართლიანი ანაზღაურება;

გ) უზრუნველყოფილ იქნეს პროფესიული სწავლების ცენტრებში დასაქმებულთათვის გრძელვადიანი შრომითი ხელშეკრულებების გაფორმება;

დ) პროფესიული სწავლების ცენტრებში დასაქმებულებს მიენიჭოთ მასწავლებლის სტატუსი და მათზე გავრცელდეს საჯარო სკოლის პედაგოგებისთვის დადგენილი სოციალური შეღავათები და გარანტიები;

ე) მოწესრიგდეს პროფესიული სწავლების ცენტრთა მატერიალურ-ტექნიკური ბაზა.

აღნიშნული პრობლემის გადაწყვეტისათვის საქართველოს პედაგოგთა და მეცნიერთა თავისუფალი პროფკავშირის V საანგარიშო ყრილობა მოითხოვს, რომ სპმთპ, როგორც განათლების სისტემაში დასაქმებულთა ინტერესების დამცველი, ყველაზე მასობრივი ორგანიზაცია აქტიურად იყოს ჩართული ზემოთ ჩამოთვლილი პრობლემების დარეგულირების პროცესში და ხელისუფლებამ უზრუნველყოს რეალური სოციალური დიალოგი სახელმწიფოსა და პროფესიულ კავშირს შორის.

იმედს გამოვთქვამთ, რომ მოგვეცემა შესაძლებლობა ერთად ვიზრუნოთ იმ ადამიანების კეთილდღეობისათვის, ვის ხელშიცაა ჩვენი შვილების წიგნიერება, განათლება და ქვეყნის ღირსეული მომავალი.

„საჯარო ფიქრი“ ქართულ იდეაზე

ბოლო ორი წლის განმავლობაში, თბილისის 24-ე საჯარო სკოლაში არაერთი საინტერესო ღონისძიება, პროექტი თუ კონკურსი ჩატარდა. სკოლაში წარმატებით განხორციელდა პროექტები: „გაცნობიერებული მომავალი“, „ჩვენ ვმართავთ სკოლას“, „საერთო პასუხისმგებლობა“, კონკურსები: „ვენერ თავისუფალ თემას“, „24-ე სკოლის დღე“ და სხვ. ყოველი სიახლის ინიციატორი და სულისჩამდგმელი 24-ე საჯარო სკოლის დირექტორი, ბატონი გია მურღულიაა და, რა თქმა უნდა, ყოველივეს წარმატებით განხორციელებაში უდიდესი წვლილი ამავე სკოლის მოსწავლეებსა და მასწავლებლებს მიუძღვის.

სულ მალე 24-ე საჯარო სკოლა ახალ პროექტს – „ქართული იდეა“ განახორციელებს. საჯაროდ, პროექტი ნაახალწლევს დაიწყება.

გია მურღულია: ძალიან ბევრი იდეა გვაქვს, რომლებიც კარგი პროექტებით, ეტაპობრივად უნდა განვახორციელოთ. ბუნებრივია, ბევრს ვფიქრობთ ბავშვების სწორად აღზრდაზე. აღზრდაში მოიაზრება ორი რამ: პირველი – აღზარდოთ ქართველი ადამიანი, ეს უპირობო ამოცანაა, რომელიც არ ექვემდებარება დამატებით განსჯას; მეორე – აღზარდოთ მსოფლიოს მოქალაქე. ადამიანში უნდა იყოს ქართველი და მსოფლიოს მო-



ქალაქე ერთად. ადამიანი, რომელიც თავს არ გრძნობს ცივილიზაციის მემკვიდრედ, შეზღუდულია და საცოდავი. არანაკლებ საცოდავია ადამიანი, რომელსაც თავისი არ აქვს ან შეუცნობელი აქვს და ამიტომ სხვისას ესწრაფვის. ადამიანში ეს ორი რამ ერთად უნდა იყოს შერწყმული, როგორც ვაჟა-ფშაველა ამბობს თავის ძალიან ცნობილ წერილში „კოსმოპოლიტიზმი და პატრიოტიზმი“.

სწორედ ამიტომ გადავწყვიტეთ, გავგვეკეთებინა ახალი პროექტი სახელწოდებით – „ქართული იდეა“, რაც ძალიან ბევრ შენაკადს გულისხმობს. გადავწყვიტეთ, ჩვენი მოსწავლეები ისეთ თემებზე დავაფიქროთ, როგორიცაა: საქართველოს ისტორია; რაზე დგას ჩვენი წარსული; რა ქმნის ქართული ცნობიერების საფუძვლებს; ვინ შეიძლება მოვიზიზროთ იმ ადამიანებად, რომლებმაც შექმნეს ქართული სახელმწიფოს სახე, მისი ძირითადი ღირებულებები და ღირსება. უცბად ვისაც გაიხსენებს ადამიანი, ესენი არიან: ფარნავაზი, რომელმაც პირველი ქართული სახელმწიფო შექმნა; მირიანი, რომლის დროსაც საქართველოში ქრისტიანობა სახელმწიფო რელიგიად გამოცხადდა; ვახტანგ გორგასალი, რომელმაც ქართველებს აჩუქა დაუვინყარი ფრანკა, ანდერძი: „ნუ დაუტყვევებთ გზას ბერძენთასა“, ანუ ის ამბობს, რომ ჩვენი არჩევანი განვითარების ევროპული გზაა – დასავლური და ქრისტიანული. საქართველო ყოველთვის ამ გზას ირჩევდა და დღესაც ამ გზის არჩევა-არარჩევის დრამა მიმდინარეობს, იმედია კარგი დასასრულით.

შემდეგი მეფეები არიან: დავით აღმაშენებელი და, რა თქმა უნდა, გიორგი ბრწყინვალე. შეიძლება ამ ჩამონათვალს ბაგრატ III დაემატოს. ხშირად მეკამათებიან თამარ მეფის შესახებ, რომელიც გადმერთებულია საქართველოში. ბუნებრივია, ალბათ, დიდი მეფე იყო, მაგრამ მაინც მგონია, რომ მისი ეპოქა დეგრადაციაა დავით აღმაშენებლის მიერ შექმნილი ქართული ცივილიზაციისა. ძალიან მიჭირს იმის დაჯერება, რომ აღზევებული სახელმწიფო 15-20 წელიწადში დანგრეულიყო მონღოლების მზვერავი ლაშქრის მიერ. უფრო მეტიც, ჯალალ-ედ-დინი – უსამშობლო, სახელმწიფოს გარეშე მდგომი ადამიანი – არ უნდა ყოფილიყო ისეთი ძალა, რომელიც

„ოქროს ხანის“ საქართველოს დაანგრევდა და ქართველების საოცნებო ქვეყანას იავარქმინდა.

საერთოდ, ძალიან ბევრს ვფიქრობთ ისტორიის საზრისის ობიექტურ სწავლებაზე. მიმაჩნია, რომ საქართველოს ისტორიაში არ ყოფილა ჟამთა აღმწერელზე უფრო დიდი და ობიექტური ისტორიკოსი. მე ვერ ვიხსენებ მეორე ისტორიკოსს, რომელიც აგრერიგად ობიექტურად წერდა თავის ქვეყანაზე. მაგრამ მარტო მეფეები ხომ არ ქმნიდნენ ქართულ იდეას, არიან ადამიანები, რომლებიც თავად მეფეებს ქმნიან, ქმნიან ქართულ იდეას, ფიქრს, რომელსაც ეყრდნობიან. ასეთი ადამიანები ქართველებს უფრო მეტიც გვყავს, ვიდრე მეფეები. თამამად შეგვიძლია დავასახელოთ: ქუჯი ერისთავი, რომელმაც ქართველებს მეფე ფარნავაზის დროს აჩვენა, თუ რას ნიშნავს გააკეთო სხვისთვის ის, რასაც საკუთარი თავისთვის აკეთებ. ეს არის ადამიანი, რომელმაც თავისი ცხოვრებით, ჯერ კიდევ რუსთაველამდე თქვა: „რასაცა გასცემ შენია, რაც არა დაკარგულია“; ამავე რიგს მიეკუთვნება იოანე საბანის-ძე, რომელმაც პირველმა გაიაზრა, რას ნიშნავს ქართული სახელმწიფო და საერთოდ – ქართველობა; გრიგოლ ხანძთელი, რომლის ფარდი მოღვაწეები არიან გიორგი მთაწმინდელი, ილია ჭავჭავაძე – აი, ქართული სამება ფიქრისა. ამას ვამბობ იმიტომ, რომ სამივემ არაფრისგან, იავარქმნილი საქართველოსგან შექმნა ერთიანი ქართული ცნობიერება.

ყოველთვის მაოცებდა კორნელი კეკელიძის სიტყვები ათონის ქართველთა მონასტერზე – ივერიონზე: „რომ არა ეს მონასტერი, საქართველოს ისტორია შეიძლება სხვანაირი ყოფილიყო“. სიმართლე გითხრათ, სტუდენტობიდან მივირედა, განა რა ასეთი მნიშვნელობა შეიძლება ჰქონოდა საქართველოსთვის სხვა ქვეყანაში არსებულ ერთ მონასტერს, მაგრამ მერე და მერე, ეს ყველაფერი რომ შევისწავლე, დავფიქრდი, მივხვდი, კორნელი კეკელიძე, რა თქმა უნდა, მართალს ამბობდა.

გამორჩეულ ადამიანთა შორის, რა თქმა უნდა, არის შოთა რუსთაველი, რომელმაც... აი, აქ კი ყოველი ჩვენგანი კარგად უნდა დაფიქრდეს, თუ რა მოაყოლოს სიტყვას – რო-

ძნელი მოზარდები

უფროსთან და თანატოლთან ურთიერთობა მოზარდობის ასაკში



რუბრიკას უძღვება საზოგადოებრივი ჯანდაცვისა და მედიცინის განვითარების ფონდის ფსიქოლოგი ქეთევან თავაძე

ცნება „ძნელი მოზარდი“ საბოლოოდ დადგენილი არ არის. მოზარდობის ასაკი, როგორც პიროვნების განვითარების კრიზისული პერიოდი, გულისხმობს, რომ ყველა მოზარდი ძნელია. მოზარდის განვითარების პროცესი (ბიოლოგიური, ფსიქოლოგიური და პიროვნული თავისებურებანი, ჩამოყალიბებული სოციალური სტატუსი) თავისი არსით გულისხმობს კრიზისს, კონფლიქტებს, სოციალური გარემოსადმი ადაპტაციის სიძნელეებს. ითვლება, რომ ძნელია მოზარდი, რომელმაც ვერ შეძლო თავისი ბიოლოგიური და ფსიქო-სოციალური განვითარების ეტაპის წარმატებით გადალახვა და რომელსაც ქცევის მიღებული ნორმებიდან გადახრები ახასიათებს.

ძნელი ბავშვები ყველა ასაკობრივ საფეხურზე გვხვდება. ესაა ოჯახში არასწორი აღზრდის შედეგად პედაგოგიურად ხელმიშვებული ბავშვები, მაგრამ ძნელი ბავშვების ტიპური თავისებურებები განსაკუთრებით მძაფრად მოზარდობის პერიოდში ვლინდება.

ძნელი, ანუ ძნელად აღზარდებული მოსწავლეები სწავლა-აღზრდის პროცესში უამრავ პრობლემას ქმნიან. ყველა ძნელი ბავშვისათვის დამახასიათებელია „აღზრდისათვის აქტიური წინააღმდეგობა“ და აღიარებული პედაგოგიური საშუალებების მიუღებლობა.

გამოყოფენ ძნელად აღზარდული მოზარდების ოთხ ტიპს:

1) მოზარდები, რომლებსაც დარღვეული აქვთ ურთიერთობის სფერო. ამ ჯგუფში ერთიანობის ის მოზარდები, რომლებსაც ოჯახსა ან სკოლაში, განსაკუთრებული მდგომარეობის გამო (დედისერთა, გარიყული), დარღვეული აქვთ ნორმალური ადამიანური ურთიერთობები. ასეთი მოზარდების წარმოდგენები ცხოვრებაზე პესიმისტური, კრიტიკული ან ძალიან რომანტიკულია. მათ შორის ბევრია უპრინციპო, ქცევის წესების უარყოფელი არანაირ ვალდებულებებს რომ არ ცნობს. ბევრი მათგანი კარგად სწავლობს, მაგრამ კლასის სიმპათიით არ სარგებლობს, მათთან ურთიერთობას ერიდებიან.

2) მძაფრი ან დაქვეითებული ემოციური რეაქციების მოზარდები. ამ ჯგუფში შედიან ისეთი მოზარდები, რომლებმაც ნერვული სტრესები, ფსიქოლოგიური ტრავმები გადაიტანეს. მათთვის დამახასიათებელია აგზნებადობა, მკვეთრი, მწვავე რეაქციები ან პასიურობა, გულგრილობა და ინდიფერენტულობა ამაღლებული მოვლენების მიმართაც კი. მათი უმრავლესობა აფექტურია. დაქვეითებული

3) ცალმხრივი გონებრივი განვითარების მოზარდები. ამ ჯგუფში ისეთი მოზარდები შედიან, რომელთა ზოგადი გონებრივი განვითარება შეფერხებული იყო და ამ ფონზე მისი რომელიმე კონკრეტული ნიჭის იგნორირებას ახდენდნენ ან გადაჭარბებულად აფასებდნენ. მათთვის დამახასიათებელია შემეცნებითი ინტერესების უქონლობა ან ცალმხრივი განვითარება, სასწავლო პროცესისა და მასწავლებლის მიმართ სიძულვილი, ცალმხრივი განათლება.

4) სუსტი ნებელობის მოზარდები. ამ ჯგუფს უნებისყოფი და ჯიუტი მოზარდები განეკუთვნებიან. მათი უმრავლესობა თავნება, ჭირვეული, უდისციპლინო და არაორგანიზებულია, არ ემორჩილებიან ქცევის ნორმებსა და წესებს. ისინი უბრალო, მარტივი საქმეების გამო ბევრ ენერჯიას ხარჯავენ. მათი ნებელობა უფრო მეტად რეგულირდება თვითშეაგონებით, თავმოყვარეობით, ემოციური განცდებით.

ძნელი მოზარდების ძველის თავისებურებანი:

■ უკიდურესი წინააღმდეგობრივი ფუნქციების ერთმანეთის გვერდით არსებობა. განვითარებული გონება და თითქმის განუვითარებელი გრძნობები (ან პირიქით), სუსტი შრომისმოყვარეობა და ძალზე განვითარებული მოთხოვნები, შეზღუდული თვალსაწიერი და ყოველდღიური უარყოფითი გამოცდილების სიჭარბე. ეს ყოველივე შინაგან დაძაბულობას ქმნის, რაც მოზარდის წინააღმდეგობრივ ქცევებში გამოიხატება.

■ გარემომყოფებთან ხანგრძლივი კონფლიქტური დამოკიდებულება. უფროსების მხრიდან შენიშვნებს, დასჯას, კრიტიკას მოზარდი მტრობის გამოვლენად, საკუთარი დამოუკიდებლობის ხელყოფად, პირად შეურაცხყოფად აღიქვამს. ხშირია კონფლიქტები არა მარტო მშობლებთან და მასწავლებლებთან, არამედ თანატოლებთანაც.

■ ყველაფრის სარგებლიანობის პრინციპით შეფასება. მოზარდი ყველაფერს ეგოისტური ცხოვრებისეული პოზიციიდან უდგება. მომგებიანია თუ წამგებიანი მისთვის ესა თუ ის ქცევა, რას მიიღებს, თუ მშობლის ან მასწავლებლის მოთხოვნას შეასრულებს – ესაა ძირითადი მოტივი.

■ ინტერესებისა და მისწრაფებების ხშირი ცვლა. გატაცებების ხშირი ცვლა საერთოდ დამახასიათებელია მოზარდობისთვის, მაგრამ ძნელ მოზარდებთან ეს პროცესი განსაკუთრებული ინტენსივობით მიმდინარეობს.

■ აღმზრდელობითი ღონისძიებებისადმი წინააღმდეგობის განვითარება. ძნელი მოზარდი ხშირად ეწინააღმდეგება იმ მასწავლებელს, რომელიც არ უყვარს ან რომლის საგანიც არ მოსწონს, აგრეთვე იმ მასწავლებელს, რომელმაც მას, თუნდაც უნებურად, რაიმე წყენა მიაყენა. ცხადია, რომ ასეთი მასწავლებლების პედაგოგიურ ღონისძიებებზე ძნელი მოზარდები ნეგატიუზით პასუხობენ.

მოზარდთა დევიაციური ქცევა

დევიაციური ქცევა საზოგადოების მიერ მიღებული სამართლებრივი, მორალური და კულტურული ნორმებიდან გადახრილი ქცევაა. ამგვარი ქცევა ხშირად დამახასიათებელია მოზარდობისათვის. მათი გამოვლენის ფორმები მეტად მრავალფეროვანია. ეს შეიძლება იყოს სამართლის ნორმების დარღვევა (დელიკვენტური ქცევა), სახლიდან გაქცევა და მანანალობა, სექსუალური აღვირახსნილობა, ნაადრევი ალკოჰოლიზმი და ნარკომანია, სუიციდური ტენდენციები, შარიანობა და აგრესიულობა. ეს დარღვევები გამოიხატება როგორც მოზარდის პრაქტიკულ ქმედებებში, ასევე მის სურვილებში, მსჯელობებში და გამონათქვამებში.

არსებობს დევიაციური ქცევის ორი ჯგუფი:

ასოციალური ქცევა – ირღვევა სამართლებრივი, მორალური, სოციალური და კულტურული ნორმები. ასეთი ქცევა არაა გამონეგული ნერვულ-ფსიქიკური ფაქტორებით, არ თავსდება ფსიქიატრიის ჩარჩოებში;

პათოლოგიური ქცევა – გადახრილია ფსიქიკური ჯანმრთელობის ნორმებიდან და გულისხმობს აშკარა ან ფარული ფორმის ფსიქოპათოლოგიის არსებობას. მათი ძირითადი კრიტერიუმებია ფსიქიატრიული სფერო.

მკვლევარები გამოყოფენ მოზარდთა დევიაციების მიზეზთა ორ ძირითად ჯგუფს:

I. ფსიქოსოციალური ფაქტორები, რომელშიც შედის:

ა) პედაგოგიური და მიკროსოციალური ხელმიშვებულობა;

ბ) ფსიქოტრავმული ფაქტორები (მშობელთა ალკოჰოლიზმი, ოჯახური კონფლიქტები, ოჯახში დედინაცვლის ან მამინაცვლის შემოსვლა, ახლობლების ავადმყოფობა ან სიკვდილი და სხვ.);

II. ბიოლოგიური საფუძვლები, რომელშიც შედის:

ა) ადრეულ ასაკში გადატანილი ორგანული, ინფექციური, ინტოქსიკური ნარკოზის ცერებრალური დაზიანება;

ბ) მემკვიდრული ფაქტორები (მაგ., მშობლის ფსიქიკური დაავადებით განპირობებული ფსიქოპათიის მსგავსი მდგომარეობა).

აღსანიშნავია, რომ ბიოლოგიური

ფაქტორები აპირობებს ხასიათის ანომალიებს, რაც კარგად ჩანს ფსიქოპათიების მაგალითზე. თუმცა დელიკვენტური, ალკოჰოლური და ზოგიერთი სხვა დარღვევა ბიოლოგიური ფაქტორებით არაა განპირობებული.

გამოყოფენ მოზარდთა სოციალურ-ფსიქოლოგიური დევიაციების შემდეგ ფორმებს:

1) ემანსიპაციის რეაქცია – ვლინდება მოზარდის მიერ უფროსის მზრუნველობისგან, გავლენისგან, ზედამხედველობის და მფარველობისგან თავის დაღწევაში. ესაა ერთგვარი ჯანყი საერთოდ უფროსი თაობის მიმართ, თავისუფლებისა და დამოუკიდებლობისაკენ სწრაფვა, პიროვნული თვითდამკვიდრების მცდელობა. ამ მოვლენას „ავტორიტეტების კრიზისსაც“ უწოდებენ. ემანსიპაციის რეაქციის გამოვლენის შედარებით გავრცელებული ფორმაა სახლიდან გაქცევა და მანანალობა.

2) თანატოლთა დაჯგუფებების რეაქცია – თანატოლებისადმი ძლიერი სწრაფვა. მოზარდები დიდი ხალისით ერთიანდებიან თანატოლთა ჯგუფებში. არსებობს თანატოლთა დაჯგუფების ორი ტიპი: ა) ერთსქესიანი მოზარდული ჯგუფები, რომელსაც ჰყავს გამოკვეთილი ლიდერი და ჯგუფის თითოეულ წევრს გარკვეული ფუნქცია აქვს. ასეთ ჯგუფებში ლიდერობა დამყარებულია ძალაზე, სუსტის დაჩაგრვასა და სისასტიკეზე; ბ) სხვადასხვა სქესიანი დაჯგუფებები, რომლებსთვისაც დამახასიათებელია როლეების უნესრიგო განაწილება და მუდმივი ლიდერის უყოლობა. ჯგუფის წევრთა ფუნქციებიც მკაცრად არაა განსაზღვრული. არასტაბილურია ჯგუფის შემადგენლობაც. ცნობილია, რომ მოზარდთა სამართალდარღვევები ძირითადად ამგვარ ჯგუფებში ხდება.

3) ჰობი-რეაქციები – მათ გარეშე მოზარდობის ასაკი ძნელი წარმოსადგენია. ჰობის შემდეგი სახეები არსებობს: ა) სხეულებრივ-მანუალური ჰობი, რომლის დანიშნულებაც სხეულის გაკაფება, ამტანობის გამოუმუშავება, კარატე, კრივი და სპორტის სხვა საბრძოლო სახეობებით გატაცება; ბ) ინტელექტუალურ-ეთიკური ჰობი – მუსიკის, ხატვის, ფოტოსაქმის, ცხოველთა სამყაროსადმი და სხვა ინტერესებით განპირობებული;

გ) ლიდერული ჰობი – ისეთი სიტუაციების ძიება ან შექმნა, სადაც შეიძლება თავის გამოჩენა, ხელმძღვანელობა, ლიდერობა; დ) შეგროვების ჰობი, რაც გულისხმობს ყოველგვარი სახის კოლექციონერობას; ე) ეგოცენტრული ჰობი – ყოველგვარი საქმიანობა, რომელთა საბოლოო მიზანია გარემომყოფთა ყურადღების მიპყრობა, ყურადღების ცენტრში მოხვედრა (მაგ., მხატვრული თვითშემოქმედება და სხვა მსგავსი საქმიანობა); ვ) აზარტული ჰობი – ბანქოს თამაში, ტოტალიზატორებში, გათამაშებებში, ლატარიებში მონაწილეობა). ჰობის ინტენსივობის მი-

ხედვით, ის შეიძლება მიმდინარეობდეს ნორმის ან პათოლოგიის ფარგლებში. თუ რომელიმე ჰობი ისეთი ინტენსივობით სრულდება, რომ მოზარდს სხვა ყველაფერი ავიწყდება, ეს უკვე დევიაციაა.

4) სექსუალური რეაქციები – აქ შედის არა მარტო საკუთრივ სექსუალური ქცევები (ონანიზმი, ჰომოსექსუალიზმი, პეტინგი და სხვ.), არამედ ქცევის ზოგიერთი ისეთი დარღვევაც, რომელსაც გარეგნულად არა აქვს სექსუალური შეფერილობა (ბილნსიტყვაობა, გინება);

5) ბავშვური ქცევების რეაქციები – ესაა მართლაც ბავშვური ქცევა, რომელიც გარდაშლილი ასაკშიცაა გადმოყოლილი და მოზარდის საერთო ქცევის გარკვეულ დასს ასვამს. ამგვარი რეაქციებია:

ა) უარის რეაქციები, რაც გამოიხატება კონტაქტებზე, თამაშზე, საკვებზე უარის თქმით. ადგილი აქვს მაშინ, როცა მოზარდებს მათი ნების გარეშე აშორებენ თანატოლთა კომპანიებს;

ბ) ოპოზიციის რეაქციები – გამოწვეულია უფროსის მიერ ისეთი მოთხოვნების წაყენებით, რომელთა შესრულება მოზარდს არ შეუძლია (კარგად ისწავლონ, მიაღწიონ წარმატებებს სპორტში, მუსიკაში და სხვ.); აგრეთვე მშობელთა მხრიდან ყურადღების ნაკლებობით, ოჯახში დედინაცვლის ან მამინაცვლის შემოსვლით, ახალი წევრის გაჩენით და ა. შ. ეს არის ჯიბრინი, დემონსტრაციული და გამომწვევი ქცევები; იმიტაციის რეაქციები – გულისხმობს რომელიმე კონკრეტული პიროვნების ქცევის მიბაძვას (განსაკუთრებულად გამორჩეული და პოპულარული თანატოლები, როკ-მუსიკის ან სპორტის აღიარებული კერპები). ეს რეაქციები ქცევის სერიოზულ დარღვევებად მაშინ იქცევა, როცა მოზარდი მისაბამ ობიექტად ასოციალური ქცევის პირებს იჩრევს; კომპენსაციის რეაქციები – ერთ რომელიმე სფეროში საკუთარი ისუსტის შევსება სხვა სფეროში წარმატების მოპოვებით (ფიზიკური სისუსტის ანაზღაურება კარგი სწავლით, სწავლაში წარუმატებლობის ანაზღაურება ქცევის ნორმების განგებ დარღვევით, „ვაჟაკატორი“ ქცევით). ეს ქცევები დევიაციის ფორმას მამინ იღებენ, როცა მოზარდი შიშის კომპენსაციას უაზრო და გაუმართლებელი რისკის ხარჯზე აღწევს.

ყველა ჩამოთვლილი რეაქცია მოზარდობის ასაკში შეიძლება გამოვლინდეს როგორც ნორმის, ასევე დევიაციის ფორმით. ნორმალური ქცევებისაგან პათოლოგიური რეაქციები იმით განსხვავდება, რომ ისინი არაადეკვატურ სიტუაციებში აღმოცენდება. მათთვის დამახასიათებელია განსხვავებული მიზეზებზე ერთი და იმავე რეაქციით პასუხი, ქცევის ისეთი უკიდურესი ფორმით გამოვლენა, რომელიც არაა დამახასიათებელი იმ ჯგუფის წევრებისათვის, რომელშიც მოზარდია გაერთიანებული.

კლასის დამრიგებელი

მინდა, ჩემი კლასი ყველაზე მებოხრული და შეკრული იყოს

გიორგი ფარისაშვილი
21-ე საჯარო სკოლის
ისტორიის მასწავლებელი

პროფესიით ისტორიკოსი ვარ - აღმოსავლეთმცოდნე, არაბისტი. მაგისტრატურის დამთავრების შემდეგ ჩემი პროფესიით არასოდეს მიმუშავია. ბავშვებთან ურთიერთობა ყოველთვის ძალიან მომწონდა, მათ გარემოცვაში ყოველთვის კარგად ვგრძობდი თავს. აქედან გამომდინარე, ალბათ, დაფარული სურვილი მქონდა მათთან მუშაობის. მართლაც გამოჩნდა 21-ე საჯარო სკოლაში ვაკანსია, მეც გავიარე დირექტორთან გასაუბრება და სექტემბრიდან დავიწყე მუშაობა ისტორიის მასწავლებლად. სულ სამი თვეა, რაც სკოლაში ვასწავლი, კლასები ნელ-ნელა დამემატა, ახლა მე-7 და მე-9 კლასებს ვასწავლი. სულ ცოტა ხნის წინ კი შემომთავაზეს კლასის დამრიგებლობა, მე უარი არ ვთქვი მეოთხე კლასის დამრიგებლობაზე.



ყველაფერი გავაცნობიერე, გავანალიზე და ჩემი უფლებები გვემუშავა.

თუ ბავშვები არ გიყვარს და მათთან თავს კარგად არ გრძობ, სკოლაში ისე ვერ იმუშავებ. ეს დამოკიდებულება კიდევ უფრო განსაკუთრებულია პატარებთან, ამაში კიდევ ერთხელ დავრწმუნდი. სულ რამდენიმე კვირაა, რაც დამრიგებელი ვარ და ეს დრო უკვე საკმარისი აღმოჩნდა იმისათვის, რომ ერთმანეთს შევწყობოდი, ანუ ჩვენს შორის სრული თანხმობაა.

ყველაფერი გავაცნობიერე, გავანალიზე და ჩემი უფლებები გვემუშავა. ერთ-ერთი ყველაზე მნიშვნელოვანი ამ გეგმიდან ისაა, რომ მინდა, ჩემი კლასი ყველაზე მებოხრული და შეკრული იყოს. სურვილი მაქვს, მათ სკოლის გარეთაც ერთმანეთთან დიდი დრო გაატარონ. ამ მიმართულებითაც ვაპირებ მუშაობას, თვის ბოლოს მინდა ჩემი სადამრიგებლო კლასი ბაკურიანში წავიყვანო.

გარდა ასეთი ტიპის დავალებებისა, გვემუშავა აუცილებლად დავამკვიდრო ტრადიციული „კვირის საათი“, როცა ჩვენ გაკვეთილების შემდეგ შევიკრიბებით და ვისაუბრებთ ინტელექტუალურ თემებზე ან მოვანყობთ შემეცნებით-გასართობ თამაშებს, ან თუნდაც აღმზრდელობითი სასაიათის საუბრებს, დიალოგებს; თემები მათივე ინტერესთა გათვალისწინებით შეირჩევა.

ასარჩევად რომ მქონდა სადამრიგებლო კლასები, აუცილებლად დანსებები კლასებს ავირჩევდი. გარდა იმისა, რომ დამწყები მასწავლებლისთვის, მით უფრო დამწყები დამრიგებლისთვის, პატარებთან მუშაობა უფრო იოლია, ამას მეორე უფრო მნიშვნელოვანი მხარეც აქვს, შენ მათ სკოლის დამთავრებამდე შეგიძლია გააყვე, ანუ გარკვეულწილად, შენი წვლილიც იქნება მათ სწორ გზაზე დაყენებაში.

მე და სასწავლო ნაწილი ერთად შევედით კლასში, მან წარმადგინა, - ეს თქვენი დამრიგებელი იქნებაო. იმ წუთიდან ვიგრძენი ბავშვებიდან წამოსული დადებითი ემოცია - ეს ძალიან მნიშვნელოვანია. უფრო სწორად, ეს არის ყველაზე დიდი სტიმული ჩემთვის, მეტი დრო გავატარო მათთან.

მინდა გავაცნობიერონ, რომ გაკვეთილზე მასწავლებლის მოსმენა მათთვის სასარგებლოა, მაქსიმალურად უნდა შეძლონ თავიანთი საკციელების გაკონტროლება. ამის მიღწევა, ბუნებრივია, რთულია, მაგრამ მე მაინც მიმაჩნია, რომ მთავარი მიდგომის ფორმა შეარჩიო სწორად და მიუღწეველიც აღარაფერი იქნება.

ჩემს სადამრიგებლო კლასში 28 ბავშვია. ამ მოკლე დროის განმავლობაში უკვე მქონდა შემთხვევები, როცა მე დავექე მათ პირისპირ როგორც დამრიგებელი. სიცვლით ცნობილ ერთ-ერთ მეოთხე კლასელთან ცოტა მკაცრი ტონით მომიხდა საუბარი. შედეგი კვირის ბოლოს მივიღე, ის მაქსიმალურად გამოსწორდა. პირველ რიგში, მინდა ბავშვებმა მოსმენა ისწავლონ. გარდა ამისა, უკვე მქონდა შემთხვევა, როცა ერთმა გოგონამ ჩუმად გამიხმო და ყურში რაღაც ჩამჭურჭულა. ამ ფაქტით, ჩავთვალე, რომ მე, გარკვეულწილად, უკვე შევძელი, მათი ნდობის მოპოვება, რაც უდავოდ მნიშვნელოვანია.

მართალია, მათ საგანს არ ვასწავლი, მაგრამ მათივე ინტერესიდან გამომდინარე, ვესაუბრები ისტორიულ თემებზე. ამას წინააღმდეგ ვალეობა მივეცი, პრეზენტაციის მომზადება საქართველოს ეკლესია-მონასტრების შესახებ, თითო თემაზე ორ-ორი მოსწავლე იმუშავებს, მინდა, ისინი ჯგუფურ მუშაობასაც მიეჩვიონ და ერთმანეთის აზრის პატივისცემა ისწავლონ. რაც ყველაზე მთავარია, ძალიან კმაყოფილი ვარ იმით, რომ მათგან დიდი ინტერესი წამოვიდა.

თუ ბავშვი აშავებს, ბუნებრივია, მას შენიშვნა უნდა მისცე. ერთ-ერთი ყველაზე ცუდი ყოფაქცევის მოსწავლე გავაფრთხილე, რომ სამი შენიშვნის შემდეგ მას დაესჯიდი. დასჯის ფორმულა რაც არის, ჩემმა მოსწავლეებმა იციან - თუ რომელიმე მათგანმა სამი შენიშვნა უკვე მიიღო, ის დასვენებაზე გარეთ ვერ გავა თანატოლებთან სათამაშოდ. დასჯის ამ ფორმას მათი ასაკიდან გამომდინარე მიემართე, იმიტომ, რომ ამ ასაკის ბავშვებისთვის გარეთ გასვლა და გართობა ძალიან მნიშვნელოვანია. ამიტომ მოსწავლეს, რომელიც გააცნობიერებს, რომ

ბუნებრივია, როცა გადაწყვიტე სადამრიგებლო კლასის აყვანა,

თავისი საქციელის გამო, მისი გართობა იზღუდება, აუცილებლად შეცვდება თავის მოთოკვას.

მშობლებთან ურთიერთობა ძალიან მნიშვნელოვანია, ჯერჯერობით წარმატებით ავანყვე. ხშირად ერთმანეთს დღის ბოლოს ტელეფონით ვუკავშირდებით, ხანდახან ყოველდღე. განსაკუთრებით ამ ბოლო პერიოდში ურთიერთობა ინტენსიურად, მას შემდეგ, რაც ბაკურიანისთვის დავინყეთ მზადება. მაქსიმალურად ვცდილობ ისინი საქმის კურსში ჩავაყენო. პედაგოგს აუცილებლად უნდა ჰქონდეს ურთიერთობის დიპლომატია - მშობლებს ისე უნდა მიანოღო შეილის კარგი და ცუდი საქციელი, რომ მას შეეძლოს ობიექტურობის დაცვა და, რაც მთავარია, ტაქტიანად მისი შექება თუ გაკიცხვა. თუმცა, ეს უკანასკნელი მშობლებზე დამოკიდებული, მშობელმა შეიღოს ისე ფაქიზად უნდა მისცეს შენიშვნა, რომ ბავშვი ჩვენ მიმართ არ განაწყობს ცუდად. ანუ სამივე მხარე - მშობელიც, ბავშვიც და მასწავლებელიც (ამ შემთხვევაში დამრიგებელი) ერთმანეთთან ურთიერთობას უნდა გაუფრთხილდეთ.

რაც მთავარია, მშობლებსა და დამრიგებელს შორის აუცილებელია გულწრფელი ურთიერთობა, რადგან ამ შემთხვევაში ორივე მხარე ერთი და იმავე კონკრეტული პიროვნების აღზრდას ვეცდებით, ჩვენი შესაძლებლობები უნდა შევჯეროთ, რათა შედეგი იყოს მაქსიმალური და დადებითი.

გულდასაწყვეტია, რომ უფროსკლასელთა ზოგადი შემეცნების დონე საშუალოსაც არ უახლოვდება. ამიტომ გადაწყვიტე, რომ ჩემს სადამრიგებლო კლასთან, ამ კუთხით, სერიოზულად ვიმუშაო. მათი ასაკიდან გამომდინარე, აქცენტი თხრობაზე გავაკეთე, ანუ მე მათ ვუამბობ სხვადასხვა თემებზე, რითაც სამომავლოდ ვინტერესებ, რომ ამ თემებზე თუ მოვლენებზე ინფორმაცია შემდგომ წიგნებით შეივსონ. ასეთი გზით მინდა ისინი ნელ-ნელა მივიყვანო წიგნის კითხვამდე, მინდა კარგი მკითხველები გავზარდო.

სკოლის გარდა სხვა სამსახურში არ ვმუშაობ, არც ოჯახში მყავს, ამიტომ მოსწავლეებისთვის მეტი დრო მაქვს. მინდა ჩემს მოსწავლეებში ჩავდო მაქსიმუმი, ანუ რაც შემიძლია. წინ მართლაც ბევრი საინტერესო გეგმა მაქვს - მუზეუმები, თეატრები, ექსკურსიები, საინტერესო ღონისძიებები - ეს ყველაფერი მათი ქცევების ადეკვატური იქნება. კარგი ყოფაქცევისთვის და წარმატებული სწავლისთვის აუცილებლად ნაფაჩაღისებურია. რაც მთავარია, ამის სტიმულს სკოლის გარეშე მაქვს. გამიმართლა, 21-ე სკოლაში რომ მოვედი.

ინფორმაცია

საჯარო სკოლების მასწავლებლების, ადმინისტრაციულ-ტექნიკური პერსონალის და სხვა მასწავლებლების კელაგოების დაზღვევის მათთვის სასურველი სადაზღვევო კომპანია უზრუნველყოფს

- ოჯახის ექიმის 100%-იანი უფასო მომსახურება, ულიმიტოდ;
- გეგმიური ქირურგიული ოპერაცია, 100%-იანი უფასო მომსახურება 12 ათასი ლარის ფარგლებში;
- გადაუდებელი ჰოსპიტალიზაცია 100%-იანი მომსახურება ულიმიტოდ;

- ამბულატორიული მომსახურება 100%-იანი ულიმიტოდ;
 - ქიმიოთერაპია და სხვა სხივური თერაპიული მომსახურება, 100%-იანი მომსახურება 12 ათასი ლარის ფარგლებში;
- მშობიარობასთან დაკავშირებული ხარჯები, 100%-იანი მომსახურება 400 ლარის ფარგლებში.
- საჯარო სკოლის მასწავლებლები, ადმინისტრაციულ-ტექნიკური პერსონალი და სხვა მასწავლებლების პედაგოგები, სადაზღვევო ვაუჩერის მიღების შემდეგ, სასურველ სადაზღვევო ორგანიზაციას 2009 წლის 15 დეკემბრიდან 31 დეკემბრის ჩათვლით შეარჩევენ.
- ვაუჩერის მფლობელები სადაზღვევო ორგანიზაციის შერჩევის პროცესში თავისუფალნი არიან თავიანთ არჩევანში.

მიუღებელია რაიმე სახით ჩარევა ან ზემოქმედება ბენეფიციარის მიერ თავისუფალი არჩევანის გაკეთების პროცესზე და ნებისუფლებების ადმინისტრაციებისა და სხვა სახელმწიფო მოხელეთა მიერ.

ექვსწლიანი სადაზღვევო პროგრამის ფარგლებში, 83 ათასამდე ბენეფიციარისთვის, 2010 წლის ბიუჯეტში 19 მილიონ ლარამდეა გათვალისწინებული (თითოეულ პედაგოგზე თვეში 15 ლარის ოდენობით).

ხელახალი სამედიცინო დაზღვევის პროცესი მთავრობის №256 დადგენილების შესაბამისად მიმდინარეობს.

განათლებისა და მეცნიერების სამინისტროს გენერალურ ინსპექციაში სპეციალური ცხელი ხაზი ამოქმედდება. ტელ: (995 32) 43 88 09, 43 88 11

ლიტერატურული შედეგები

15 დეკემბერს, ეროვნულ ბიბლიოთეკაში, გამომცემლობა „ტრია-სის“ ახალი პროექტის – „ლიტერატურული შედეგები“ პრეზენტაცია გაიმართა. პროექტზე ერთი წელი მუშაობდა გამოცდილი ფილოლოგთა ჯგუფი, ბატონ **გია მურღულიას** ხელმძღვანელობით. ორტომეულში შეტანილია 38 ქართველი და 63 უცხოელი კლასიკოსის ნაწარმოებთა მოკლე შინაარსები. პროექტი საქართველოში პირველად განხორციელდა, თუმცა საზღვარგარეთ მსგავსი პროექტების პრაქტიკა დიდი ხანია არსებობს და საკმაოდ წარმატებულადაც ხორციელდება.

ლიკა მესხი, გამომცემლობა „ტრია-სის“ დამფუძნებელი: „ლიტერატურული შედეგების“ ორტომეულის გამოცემის იდეა ერთი წლის წინ დაიბადა. ჩვენი მოტივი მარტივი იყო, გვინდოდა შეგვექმნა ისეთი პროდუქტი, რომელიც მეტ მკითხველს მიიზიდავდა, გაუძლიერებდა სურვილს და ინტერესს ლიტერატურული მემკვიდრეობისადმი. საზღვარგარეთის გამოცდილებაშიც ცხადყო, რომ მსგავსი პროდუქტის გამოცემა ფართო საზოგადოებისთვის მისაღებია და მოთხოვნადი. ვფიქრობ, საქართველოში ასეთი წიგნების გამოცემა მკითხველის დაინტერესებას გამოიწვევს.

პროექტის განხორციელებაში დიდი წვლილი მიუძღვის ბატონ **გია მურღულიას**, რომლის ხელმძღვანელობითაც შეიქმნა გამოცდილი ფილოლოგთა და მთარგმნელთა შემოქმედებითი ჯგუფი. სწორედ მათ პროფესიონალიზმზე მეტყველებს შერჩევა იმ არაჩვეულებრივი ნა-



წარმოებებისა, რომლებიც ორტომეულშია შესული. წიგნი ხელმისაწვდომია ნებისმიერი ასაკის მკითხველისთვის. ზრდასრულ ადამიანებს წიგნები კიდევ ერთხელ მისცემს საშუალებას თვალი გადაავლონ, გაიხსენონ ადრეულ ასაკში ნაკითხული ესა თუ ის ნაწარმოები. მოზარდებს კი „ლიტერატურული შედეგები“ საშუალებას მისცემს, წინასწარ გაეცნონ უცხოური და ქართული ლიტერატურის შედეგების მოკლე შინაარსს“.

გია მურღულია, „ლიტერატურული შედეგების“ გამოცემის შემოქმედებითი ჯგუფის ხელმძღვანელი: „რატომ მოკლე შინაარსი? პირველ რიგში, იმიტომ რომ ეს მსოფლიო ლიტერატურული კულტურის ბუ-

ნებრივი გამოხატულებაა და ჩვენ ამის მიღმა არ უნდა დავრჩეთ. მეორე მხრივ, მოკლე შინაარსი გარკვევის საინტერესო მცდელობაა და მკითხველს ძირითადი აქცენტების გაკეთებაში ეხმარება. მესამე მხრივ კი, ეს არის წინასწარი (და სწრაფი!) გაცნობის შესანიშნავი შესაძლებლობა და ლიტერატურის პოპულარიზებას უწყობს ხელს. მოკლე შინაარსი, ცხადია, არ და ვერ ცვლის მხატვრულ ტექსტს. ის მხოლოდ დამხმარე საშუალებაა – ოღონდ საკმაოდ მიმზიდველი. გამოცემა საინტერესო საათებს პირდება ლიტერატურით დაინტერესებულ მკითხველს“.

რატი ამბალობელი, პოეტი: „ასეთი წიგნის გამოცემა არის პროვოცირება მოზარდის, ახალგაზრ-



დის. იმედია, ეს წიგნი მაპროვოცირებელი იქნება საუკეთესო გაგებით. როდესაც თქვენ თუნდაც მცირე დეტალს მოისმენთ თქვენი მეგობრის თავგადასავლისას, ბუნებრივია, სურვილი გაგიჩნდებათ შეხვედეთ მას და დეტალურად მოისმინოთ მისი თავგადასავალი, პირადი ცხოვრების ისტორია. ასევეა და უფრო მძაფრადაც ლიტერატურაში, როდესაც ჩვენ, გარკვეულწილად, ვეხებით მცირეოდენ ამბავს. რასაკვირველია, ასეთი სახე არ შეიძლება ჩაითვალოს ლიტერატურად, მაგრამ ასეთი ფორმა ითვლება ბიძგად, პროვოცირებად და მე ასეთი სახის პროვოცირებად ლიტერატურაში ძალიან მომწონს. წიგნი „ლიტერატურული შედეგები“

მნიშვნელოვანია იმ თვალსაზრისითაც, რომ მკითხველი მოზაიკურად ხედავს ლიტერატურულ დროს, იმ სივრცეს, რომელიც ამ წიგნშია წარმოდგენილი. მსგავსი გამოცემები მკითხველს ეხმარება არჩევანის გაკეთებაში, ფიქრსა და ლიტერატურასთან დაახლოებაში“.

„ლიტერატურული შედეგების“ პრეზენტაციას ესწრებოდნენ: გამოცემის შემოქმედებითი ჯგუფის წევრები, ლიტერატორები, განათლებისა და მეცნიერების სამინისტროსა და გამოცემების ეროვნული ცენტრის თანამშრომლები, თბილისის მერიისა და საკრებულოს წარმომადგენლები.

მაკა ყიფიანი

ინფორმაცია

მისაზამი მამალითი



პატრიარქის მონაღობის შემდეგ თბილისში ხეების დარგვის ბუჩქი, თუმცა დედაქალაქის 133-ე საჯარო სკოლის მოსწავლეები ამ აქციაში ცოტა ადრე და თანაც საკუთარი ინიციატივით ჩაებნენ ინტერნეტფორუმ **KARAVI.GE**-ს წევრებთან ერთად. ამ ფორუმის წევრებმა ხეების დარგვა სასიამოვნო ტრადიციად აქციეს და რამდენიმე წელიწადია, თბილისის შემოგარენში რგავენ, შარშან კი დიდ დილომში გადმოინაცვლეს. იმ აქციაში აღნიშნული სკოლის პედაგოგმა **ლია სულიკაშვილი** მიიღო მონაწილეობა, რომელმაც წლეულს მოსწავლეებიც ჩართო. თვითონ ლია სულიკაშვილს სტუდენტობისას ბევრი უმოგზაურია საქართველოში, განსაკუთრებით კი მის მთიანეთში, კარგად იცნობს თუშეთს, ხევსურეთს, სვანეთს, სხვა კუთხეებსაც და უნდა, მოსწავლეებშიც გააღვივოს სამშობლოს უფრო ახლოს გაცნობის სურვილი, პატარაობიდანვე აქციოს რეალურ პატრიოტიზმად. სამოგზაუროდ ვერ წავიყვან და ასეთ ღონისძიებებში კი დიდი სიამოვნებით ჩაერთავო, თქვა მან.

მის მოსწავლეებს მსგავს აქციებში ჩასართავად დიდი ხვეწნა არც სჭირდებათ. მეტიც

– ვერ კიდევ გზად მიმავალმა მათ საუბარს მოვკარი ყური, ერთი ეუბნებოდა მეორეს, მე ასეთ ღონისძიებებში უფრო მიხარია მონაწილეობა. ეტყობა, ამ აზრს სხვებიც იზიარებდნენ, რაც საქმიანად დაამტკიცეს – წვიმას, ტალახს და სიცივეს არ შეუშინდნენ და ძალიან ყოჩაღად, დიდი მონდომებით იმუშავეს ვერ ხეების დარგვაზე, მერე კი არც მიმდებარე ტერიტორიის დასუფთავება დაიზარეს და ნაგავის შეგროვებაშიც იაქტიურეს. იმედია, ისინი ამგვარ ღონისძიებებში მომავალშიც იყოჩაღებენ და უკვე ინიციატივაც მათგან წამოვა.

ვფიქრობთ, კარგი იქნება, ასეთ საყოველთაო აქციებში სხვა სკოლებიც თუ ჩაებნებიან. არჩევანი იგივე ხეების დარგვა, სკოლის მიმდებარე ტერიტორიის ან რომელიმე ისტორიული ძეგლის დასუფთავება, უბრალოდ – ექსკურსია-ლაშქრობა თბილისის შემოგარენში. ღონისძიების მასშტაბი იმდენად მნიშვნელოვანი არაა, რამდენადაც თავად ფაქტი მოსწავლეთა საზოგადოებრივი შრომისა. ამით მოზარდები ბევრ რამეს მიეჩვენებენ – კოლექტიურ საზოგადოებრივ შრომას, ანუ ჩამოუყალიბდებათ საზოგადოებრივი პასუ-

ხისმგებლობა; იგრძნობენ მოვალეობას საკუთარი ქვეყნის წინაშე; მიხვდებიან, რომ მათი სამშობლო მათივე მოსახლეობაა და ბავშვობიდანვე მიეჩვენებიან მის პატრონობას... საერთო-საზოგადოებრივი საქმიანობა ხომ საოქალაქო საზოგადოების ჩამოყალიბების წინაპირობაა, უამისოდ კი ნორმალურ, სრულფუნქციონარ სახელმწიფოს ვერ ავაშენებთ. დაგვეთანხმებით, დღევანდელ საზოგადოებაში ამ თვისებების დიდი დეფიციტია. კომუნისტურ საზოგადოებაში აღზრდილმა თაობამ ეს ჩვევები ჩვენ თუ ვერ ვისწავლეთ, მომავალ თაობას მაინც ვასწავლოთ და არ გავიმეოროთ ის შეცდომა, რომელიც ჩვენს აღზრდაში დაუშვეს... იმ კეთილი იდეების განხორციელებაში, რომელიც ამ ბავშვებს აქვთ, შეუძლიათ ისევე საზოგადოებრივ ჯგუფებს მიმართონ – იგივე ინტერნეტფორუმ „კარავს“ ან მის მსგავს ფორუმებს, ან – ოფიციალურ სტრუქტურებს. მაგალითად, იმავე კარაველთა გამოცდილებიდან შემიძლია ვთქვა, რომ ხეების დარგვა იქნება თუ დასუფთავების აქცია, თავისი კომპეტენციის ფარგლებში, დედაქალაქის მერია სიამოვნებით დაეხმარებათ. წარმოიდგინეთ – თითოეულმა სკოლამ

ყოველწლიურად საკუთარი მიმდებარე ტერიტორიის გამწვანება რომ ითავოს, რამდენად საჭირო საქმეს გააკეთებს!

თუმცა ხეების დარგვის ამ კონკრეტულ ფაქტზე გულისტკივლით უნდა აღვნიშნოთ უფროსთა მიერ ჩადენილი ერთი ფაქტის შესახებ, რაც მოზარდებს არცთუ კარგ მაგალითს აძლევს. როგორც გითხარით, კარაველებმა შარშანაც პეტრინის ქუჩის დასაწყისში დარგეს ნერგები, რომლებსაც პერიოდულად რწყავდნენ, უვლიდნენ... მათი უმეტესობა გახარებული იყო, თუმცა, ამჯერად, ადგილზე მისული მხოლოდ რამდენიმე ნერგი დახვდათ... იქ არც გამხმარი ნერგები იყო. აშკარაა – ადგილობრივებმა ან დაუდევრობით გადათელეს, ან – მათთვის მოსახერხებელად რწყავდნენ. თუ მართალი მეორე ვარიანტია, კიდევ არა უშავს – გაუფუჭებას მაინც სჯობს, მაგრამ, იმედია, 133-ე სკოლელების დარგული ნერგებიდან უმრავლესობა გაიხარებს და წლების მერე, იმ ტერიტორიაზე ჩავლისას, სიამოვნებით გაიფიქრებენ, რომ ის ხეები მათი დარგულია.

ირაკლი თაყაიძე

საგანმანათლებლო კერა

სკოლა კი არა – ძეგლი მეტყველი

სკოლა, რომლის შესახებაც უნდა გაიგებოთ, სვანეთის ისტორიის ერთი უმშვენიერესი ფურცელია. იქნებ ვინმეს გაუკვირდეს XIX საუკუნის დასაწყისში, მესტიის რაიონში, პედაგოგიური სასწავლებლის არსებობა, რომელიც უმაღლეს სასწავლებელს უტოლდებოდა, მაგრამ ეს სიმართლეა. ამ სკოლის ისტორია ძალიან საინტერესოა.

წერა-კითხვის გამავრცელებელმა საზოგადოებამ, დიდი ხნის დაუინტერესებელი მოთხოვნის შედეგად, უფლება მიიღო მესტიის რაიონში გახსნილიყო პედაგოგიური სასწავლებელი, რომლისთვისაც აუცილებელი იყო შენობა. მოგეხსენებათ, მინას სვანეთში ოქროს ფასი ჰქონდა, რადგან იქაურ გლეხობას არსებობისთვის სხვა არაფერი გააჩნდა. მიუხედავად ამისა, სოფელ ლენჯერის თავკაცებმა მიიღეს პედაგოგიური სასწავლებლის აშენების გადაწყვეტილება. ადგილს, სადაც სკოლა აშენდა „ლაროლი“ ეწოდება, ხოლო მინის მეპატრონეებმა სანაცვლოდ საეკლესიო მიწები მიიღეს. მიუხედავად იმისა, რომ სკოლის მშენებლობისთვის სოფელ ლენჯერს მთავრობისგან არანაირი დახმარება არ მიუღია, მოსახლეობა თავკაცების გადანყვებილებს დიდი სიხარულით შეხვდა და 1928



წელს მშენებლობა დაიწყო. მთელი სოფელი დაირაზმა, ხალხი 5-6 კილომეტრის სიშორიდან ეზიდებოდა მარხილით ქვას და ქვიშას, კირქვას და ფიქალს. ტყეში ამზადებდნენ ყავარს, ხელით ხერხავდნენ და რან-

დავდნენ ფიცარს, ხელოსნები ამზადებდნენ კარ-ფანჯარას. ერთი სიტყვით, ვისაც რა ხელეწიფებოდა, თავს არავინ ზოგავდა.

1830 წელს სკოლის მშენებლობა დასრულდა და პედაგოგიურმა სას-

წავლებელმა პირველი ნაკადი მიიღო. პირველი საფეხური იყო საბაზო შეიქმნილი, ხოლო პედაგოგიური სასწავლებელი – სამწლიანი სწავლების კურსით, სადაც თბილისიდან მოწვეული ცნობილი მეცნიე-

რები ასწავლიდნენ. ამ სასწავლებელში მოღვაწეობდნენ **ლეო კვაჭაძე**, **მაქსიმე ქალაძე**, **შალვა ბალანჩივაძე**, **მოსე ფალიანი**, **ეფრემ გულენი** და სხვ. პირველი დირექტორი იყო **იოველ ასათიანი**.

პედაგოგიურ სასწავლებელში ძირითადი სასწავლო დისციპლინები იყო: პედაგოგია, ქართული ენა და ლიტერატურა, მათემატიკა, რუსული ენა და ლიტერატურა. სტუდენტები პედაგოგიურ პრაქტიკას საბაზო შეიქმნილში გადიოდნენ.

პედაგოგიურ სასწავლებელში განათლების მისაღებად სვანეთის ყველა სოფლიდან მოდიოდნენ. წარჩინებულ მოსწავლეებს სტიპენდია ეძლეოდათ. კურსდამთავრებულებს კი სამუშაოდ ანაწილებდა განათლების სამინისტრო. სასწავლებელი კადრებს უშვებდა დაწყებითი სკოლის მასწავლებლის კვალიფიკაციით.

1956 წელს პედაგოგიური სასწავლებელი საშუალო სკოლად გადაკეთდა. ამჟამად, ამ უძველეს შენობაში ლენჯერის საჯარო სკოლაა განთავსებული და ღირსეულად აგრძელებს საუკეთესო ტრადიციებს.

ცილა გულენი

ლენჯერის საჯარო სკოლის ქართული ენისა და ლიტერატურის მასწავლებელი

ინფორმაცია

ქართული მოსწავლეების მიერ მოთხრობილი იაპონური ზღაპრები

ქართულ-ინგლისური სკოლა „ბრიტანიკა“ ერთ-ერთია იმ სამი სკოლიდან, სადაც იაპონური ენა ისწავლება.

მოსწავლეები VII კლასიდან შეისწავლიან იაპონურ ენასა და კულტურას, ეუფლებიან ანბანს – ჰირაგანასა და კატაგანას, იეროგლიფებს (დაახლოებით 1500-2000), გრამატიკის საფუძვლებს; ეცნობიან ინფორმაციას იაპონური დამწერლობის, ისტორიული ეპოქების, იაპონიის ძირითადი ქალაქების ისტორიის შესახებ.

სკოლა „ბრიტანიკას“ პედაგოგები სასწავლო პროცესში აქტიურად იყენებენ ვიდეომასალას, რომელსაც აზია-აფრიკის ინსტიტუტი აწვდის.

7 დეკემბერს, „ბრიტანიკაში“ IX-XI კლასების მოსწავლეებმა იაპონურ ენაზე წარმოადგინეს ძველი იაპონური ზღაპრები – „მთვარის

პრინცესა“ და „ქოთინი პრინცესა“ (იაპონური ენის პედაგოგები: **ნინო კელეურიძე** და **თამთა ბოკერია**, მხატვრული გაფორმება – **ლელა არაბული**, ხელოვნების პედაგოგი).

სპექტაკლზე მონაწილე იყვნენ: იაპონიის ელჩი საქართველოში, ბატონი **კამოჰარა მასაიოში** მეუღლესთან, ქალბატონ **კამოჰარა ჯუნკოსთან** ერთად. ასევე, იაპონიის საერთაშორისო საზოგადოების „JACA“ წარმომადგენლები საქართველოში, თბილისის თავისუფალი უნივერსიტეტის, თბილისის აზიისა და აფრიკის ინსტიტუტის თანამშრომლები. სპექტაკლს ესწრებოდნენ იაპონური დეპარტამენტისა და იაპონური ცენტრის წარმომადგენლები, ბატონები: **აზეჩი ისამუ**, **მურატა კეიში**, **ცურუტო ჰიროფუმი**, **მასააკი ნაგატა**, **ვატანაბე ნორიიუკი**; ქალბატონები:

ინოუე რიცუკო, **ტაკარაგავა მასუმი**, **იანო მიძუე**, **იოშიკო იამანე** და სხვ.

წარმოდგენამ სტუმართა დიდი მონონება დაიმსახურა. მათ ისიც კი აღნიშნეს, რომ 2000-მდე იეროგლიფი ბევრმა იაპონელმაც კი არ იცის.

სპექტაკლში მონაწილეობდნენ: **გიორგი შაქარაშვილი**, **ჯუბი ჩიქვანი**, **გიორგი ნარიმანიძე**, **ნანა ღონღაძე**, **თათია ჭყიძე**, **ლიკა ჭელიძე**, **მარიამ ფერიშვილი**, **მარიამ აფციაური**, **ევეგენი ელყანიშვილი**, **ოთარ ჯაფარიძე**, **გიორგი გაზაშვილი**, **ანი ღამბაშიძე**, **ანი ჯინჭარაძე**, **ნინო შაქარაშვილი**, **ელენე სიხარულიძე**, **ბაჩო კალანდაძე**, **ქეთი ბზიკაძე**, **მარიამ მაღიძე**, **ნიკა ჯინჭარაძე**, **რატი აბუაშვილი** და **მირანგულ მანჯავიძე**.

ნინო საყვარელიძე



იუბილე

შოთა მახარაძე - 50 -



დახვეწილი ინტელიგენტი, ჩინებული პედაგოგი, ხელმძღვანელი, მეცნიერ-მკვლევარი – ასეთი გახლავთ შოთა რუსთაველის სახელმწიფო უნივერსიტეტის პროფესორი **შოთა მახარაძე**. იგი უზომოდაა შეყვარებული საქმეზე, ნიგზე, ლექსზე, მათემატიკის ამოცნობის სამყაროზე, სიცოცხლეზე. ბუნებამ მას ყველაფერი უხვად მიაბოძლა. აქვს არაჩვეულებრივი უნარი ადამიანთან ურთიერთობისა, რითაც სტუდენტებს, კოლეგებსა და პედაგოგურ საზოგადოებას შორის დიდ პატივისცემას იმსახურებს.

შოთა მთის შვილია. იგი შუახევის რაიონის თვალწარმტაც სოფელ მახალაკიძეებში დაიბადა. შრომისმოყვარე ოჯახში იზრდებოდა. მშობლები – **მერი მანელიშვილი-მახარაძისა** და **ისრაელი მახარაძე** – შრომისმოყვარეობით, გონებაგამჭრიახობით, სტუმართმოყვარეობით გამორჩეული ადამიანები გახლდნენ. ისინი აქტიურად მონაწილეობდნენ სოფლის საჭირობო საკითხების მოგვარებაში. მათ ოჯახში შრომის, ნიგის, ცოდნის კულტი ბატონობდა. ამ კერიდან გამოსული შვიდი შვილი, ორი და და ხუთი ძმა სიკეთედ და სიმდიდრედ შეემატა ქვეყანას.

შოთას გზა ცოდნის ტაძრისაკენ მშობლიური სოფლის სკოლიდან დაიწყო. წარჩინებით დაამთავრა მახალაკიძეების რვანლიანი და ოლადაურის საშუალო სკოლები. შემდეგ ბათუმის ინდუსტრიული ტექნიკური სამრეწველო და სამოქალაქო მშენებლობის სპეციალობით. ჯარისკაცის ფარავანმა იმსახურა კამჩატკასა და კურილიის კუნძულებზე. ჩინეთის მისადგომებთანაც მოუწია „სამშობლოს“ საზღვრების დაცვა. ფათერაკები არ დაკლებია, საბრძოლო ნათლობაც მიიღო, დაიჭრა კიდევაც, თუმცა ბრძოლის ველი არ მიუტოვებია. მებრძოლ ჯარისკაცად დარჩა მაინც.

შრომითი ბიოგრაფია ბათუმის სამხედრო გარნიზონის საბინაოსავესპლუტაციო ნაწილის №1 სახელმართველობის ტექნიკოსობით დაიწყო. მალე მმართველად გადაიყვანეს, ხოლო შემდეგ №10 სამშენებლო ტრესტის ინჟინრად დაანიშნაურეს. მის ოცნებებს თანდათან ფრთები ესხმოდა. პარალელურად, საბუთები ბათუმის პედაგოგიურ ინსტიტუტში ისტორიის ფაკულტეტზე შეიტანა, მაგრამ ფიზიკა-მათემატიკის ფაკულტეტზე ჩაირიცხა.

ამ ერთობ უცნაურ ფაქტს შოთა ასე ხსნის: „მათემატიკა ჩემი ბავშვობის არჩეული საგანი, ოცნება იყო. რაც მაშინ ვერ შევძელი, მონიფულობისას თავისთავად ამისრულდა, თანაც, ყველა საქმეს თანაბრად ვაკეთებდი, ასეა დღესაც“.

დღესაც რომ ნამდვილად ასეა, მისი ცხოვრების მომდევნო წლებიდანაც ჩანს. დაამთავრა საქართველოს ტექნიკური უნივერსიტეტის ასპირანტურა. თბილისის ივანე ჯავახიშვილის სახელმწიფო უნივერსიტეტის სადისერტაციო საბჭოზე წარმატებით დაიცვა ფიზიკა-მათემატიკის მეცნიერებათა კანდიდატის სამეცნიერო ხარისხი.

1980-1999 წლებში მუშაობდა სხვადასხვა ადმინისტრაციულ სამეურნეო, ზოგადსაგანმანათლებლო და უმაღლეს სასწავლებლებში ხელმძღვანელ თანამდებობაზე. ამჟამად შოთა რუსთაველის სახელმწიფო უნივერსიტეტის წარმომადგენლობითი საბჭოს წევრი, ბაკალავრიატის მათემატიკის სპეციალობის საგანმანათლებლო პროგრამის ხელმძღვანელია. რამდენიმე თვის განმავლობაში ასრულებდა უნივერსიტეტის კანცლერის მოვალეობას.

გადაუჭარბებლად შეიძლება ითქვას, რომ ამ მოკლე დროშიც ძალიან ბევრის გაკეთება მოასწრო, განსაკუთრებით სწავლის საფასურის გადაუხდელობის გამო დათხოვნილ თუ დასათხოვნილ სტუდენტთა დასახმარებლად. ერთ რამედ ღირს შოთა მახარაძის თეორიული და პრაქტიკული საკითხებით გაჯერებული შთამაგონებელი ლექციების მოსმენა. მრავალმხრივი ადამიანი განსაკუთრებულ ყურადღებას უთმობს ახალი ტექნოლოგიების, სტრატეგიებისა და ორიენტირების გათვალისწინებით ლექციების მომზადება-ჩატარებას. უპირველესად, სტუდენტებისა და საგნის სიყვარულით, ღრმა ცოდნით, ტაქტით, ინტელიგენტობით იქცევის ყურადღებას. „შოთა მასწავლებლის ყოველი ლექცია გამორჩეულია. იგი ოსტატურად ქმნის კეთილგანწყობისა და შემოქმედებითი თანამშრომლობის ატმოსფეროს, ზრუნავს იმისათვის, რომ მოგვეცეს ფიქრის, განსჯის, გადაწყვეტილების მიღების, არჩევანის გაკეთების შესაძლებლობა. შევყავართ მათემატიკის ზუსტ, მაგრამ ამოუცნობ სამყაროში და ამ სამყაროს სიყვარულით გვმუხტავს“ – წერს განათლების ფაკულტეტის სტუდენტი **შორენა გორგოშაძე**.

ენტუზიასტ მაძიებელ მეცნიერსა და მკვლევარს უჭრის კალამი, ამის დასტურია მისი ექვსი ნიგნი, სამოცზე მეტი ნაშრომი, 50-მდე საგაზეთო ნარკვევი და პუბლიცისტური სტატია. ყველაზე მნიშვნელოვანია, რომ ნაშრომების უდიდესი ნაწილი საქართველოსა და უცხოეთის ქვეყნების წამყვან ჟურნალებშია გამოქვეყნებული, მათ შორის ამერიკის შეერთებულ შტატებში. მისი შრომები, ძირითადად, თანამედროვე ალგებრის აქტუალურ საკითხებს ეხება – ნახევარჯგუფთა თეორიას, რომელზეც თავის მასწავლებელთან, ხელმძღვანელსა და კოლეგასთან **იამა დიასამიძესთან** ერთად მუშაობს. გამოსაცემად გამზადებული აქვს მონოგრაფია რუსულ და ინგლისურ ენებზე. თავადაც ზრდის მომავალ მეცნიერებს.

უდავო ჭეშმარიტებაა ის ფაქტი, რომ მეცნიერის ნიგნიერება, განსწავლულობა, ცოდნა-გამოცდილება და ადამიანებთან ურთიერთობის ხელოვნება ყველაზე მეტად საამაობრივ კონფერენციებზე წარმოჩნდება ხოლმე. ამ მხრივ შოთა მახარაძე რჩეულთა შორისაა. იგი აქტიურადაა ჩაბმული საქართველოსა და მის ფარგლებს გარეთ გამართულ საერთაშორისო კონფერენციების მუშაობაში. მრავალთა შორის მხოლოდ რამდენიმეს დავასახელებთ: მათემატიკოსთა მსოფლიო კონგრესი პეკინში და სტოკჰოლმში, საერთაშორისო კონფერენცია გეომეტრიისა და ჯგუფთა თეორიისა (ბათუმი), საერთაშორისო ალგებრული კონფერენციები თბილისსა და ბათუმში, მოსკოვში, ეკატერინბურგში, კრასნოიარსკში, ანტალიაში და მათემატიკოსთა ევროპის მეხუთე კონგრესი ამსტერდამში...

ერთი საინტერესო შტრიხიც. 2003 წელს მარეთის ხეობაში გამონათლევის ეკლესია გაიხსნა. მშენებლობაში აქტიურად მონაწილეობდნენ ბატონი შოთა და მისი ძმები. ახალგაზსნილ ეკლესიაში ხუთივე პირველები მოინათლნენ.

ბევრი რამ შეიძლება ითქვას რეგისტრირებული კავშირის „მარეთი“-ს თავმჯდომარედ ბატონი შოთას თავდაუზოგავ, შემოქმედებით მუშაობაზე – (პირველი თავმჯდომარე იყო პროფესორი **თამაზ ფუტკარაძე**).

კავშირის წევრები სწავლობენ ხეობის ისტორიას, სოციალურ-გეოგრაფიულ ვითარებას, წარმოაჩენენ, პატივს მიაგებენ, ხელს უწყობენ ხეობის წინაშე დამსახურებულ ადამიანებს. დაწესდა სახალხო დღესასწაული „მარეთობა“. „საპა-

ტიო მარეთელი“-ს წოდების მინიჭება, ხეობის ფალავნის, გამორჩეული ქველმოქმედის და სხვათა გამოვლენა.

პორტრეტი სრულყოფილი არ იქნება, ორიოდ სიტყვას ჩოხოს-ნებზე თუ არ ვიტყვით. სრულიად საქართველოს კათალიკოს პატრიარქის უწმიდესისა და უნეტარესის ილია მეორის ლოცვა-კურთხევით და ხელმძღვანელობით ჩამოყალიბდა სრულიად საქართველოს ჩოხოსან რაინდთა დასი. შესაბამისად შეიქმნა ჩოხოსან რაინდთა აჭარის სადროშო. ბატონი შოთა და მისი ძმა ბატონი **ვლადიმერ მახარაძე** სადროშოს წევრები არიან. ისინი სადროშოს ხელმძღვანელმა, ბათუმისა და ლაზეთის მთავარეპისკოპოსმა **მეუფე დიმიტრი**მ ხინოს მთაზე ასზე მეტ ჩოხოსანთან ერთად აკურთხა, მათი რიცხვი იზრდება. ჩოხოსნები ბევრს აკეთებენ ეროვნული ტრადიციების, ცნობიერების, სახელმწიფოებრიობის გაძლიერება-განმტკიცებისათვის.

კარგი ოჯახისა და გვარიშვილობის წარმომადგენელმა თავადაც კარგი ოჯახი შექმნა. მისი ცხოვრების ერთგული მეგობარი და მეგობარი **ნათელა დევაძე** პედაგოგია. მათი ქალ-ვაჟი – ვაჟა და ქეთევანი – სანაქებო მამულიშვილებად შეემატნენ ქვეყანას.

ეულოცავთ ბატონ შოთას დაბადებიდან 50 წლისთავს. დღეგრძელობა, მზრუნველობა, სიბორო და სულის მზიანობა არ მოკლებოდეს შემოქმედებითი ცხოვრების დიდ გზაზე.

ნოდარ პარამიძე
შოთა რუსთაველის სახელმწიფო უნივერსიტეტის პროფესორი

აპაქი ზოიძე
საქართველოს იაკობ გოგებაშვილის პედაგოგთა კავშირის აჭარის რესპუბლიკური ორგანიზაციის თავმჯდომარე

იამა დიასამიძე
შოთა რუსთაველის სახელმწიფო უნივერსიტეტის პროფესორი



„მადლიერება – ჩუქურთმა სკოლის...“

2008 წელს 144-ე საჯარო სკოლის დარსებიდან 40 წელი შესრულდა. შეიქმნა პროექტი, რომელიც გულსხმობდა კურსდამთავრებულთაგან სახსრების მოზიდვას იუბილეს გადასახდელად და პენსიონერი პედაგოგების გასაცემად. პროექტისა და წერილების დაგზავნა დაიწყო კიდევ, მაგრამ ამ პროცესს ხელი შეუშალა 2008 წლის აგვისტოს ომმა. სკოლამ ვერ დევნილ ოჯახებს უმასპინძლა, შემდეგ დევნილ მოსწავლეებს, რომლებიც თითქმის მთელი წელი სწავლობდნენ ჩვენს სკოლაში.

საიუბილეოდ გადმორიცხული მცირე თანხა საგულდაგულოდ შემოვიწახეთ და პროექტი, სახე და ფორმატმეცვლილი, რამდენიმე დღის წინ, მაინც განხორციელდა.

სააქტო დარბაზი საზეიმოდ იყო მორთული, გამოფენილი იყო პედაგოგთა ნაქარგები, ნაქსოვები, თექები, ნაკეთობები. სცენაზე დიდი ასობით ეწერა სიტყვები: „მადლიერება – ჩუქურთმა სკოლის...“

დარბაზის ერთ მხარეს, სალონურ მაგიდასთან, წამყვანი იჯდა. დარბაზი სავსე იყო მოსწავლეებით, პედაგოგებით, სამეურვეო საბჭოს წევრებით. აქვე იყვნენ მოწვეული სტუმრები: კრწანისის რაიონის ერთიანი ნაციონალური მოძრაობის პარტიის წარმომადგენლები, ისან-სამგორის კრწანისის მუნიციპალიტეტის თავმჯდომარე მერაბ რაფაეა, მუნიციპალიტეტის წევრებთან ერთად; მთაწმინდა-კრწანისის რაიონის რესურსცენტრის სპეციალისტი სალომე ჯვალაძე; კურსდამთავრებულები, ვინც სკოლას ფინანსური მხარდაჭერა გაუწია ამ დღისთვის. საპატიო ადგილას ისხდნენ ის ღვანდღოსი პედაგოგები, ვისაც სკოლა აცილებდა: ქალბატონები – შუქურა ლომიძე-კობრიძე, ცილა ბერაია, ლამარა ნათობიძე, ქეთევან თეთრაშვილი.

წამყვანი გახლდათ სკოლის დირექტორი მანანა კიკაჩიშვილი, რომელმაც საღამო დაიწყო ღონისძიების სათაურის ახსნით: „რატომ შევარჩიეთ ეს სათაური თავდაცვით მიხედვით თანდათან, საღამოს მიმდინარეობისას... ჩვენ მაგალითი უნდა ვუჩვენოთ მომავალ თაობას იმისა, თუ როგორ უნდა მივაგოთ პატივი უფროსებს როგორც შინ, ისე გარეთ და მით უფრო საღამომზრდელი დაწესებულებაში“.

ქალბატონმა მანანამ ახსნა, რომ იუბილე არატრადიციულია, ეს არ არის სკოლის გახსნისა და ისტორიის გადმოცემა, ანგარიში და თავმო-



წონება. „ვაცილებთ ოთხ პედაგოგს. ისინი ამ სკოლის ისტორიის ცოცხალი მემკვიდრეები არიან, დარსების დღიდან – 40 წელია აქ მოღვაწეობენ. რატომ მიმყავს საღამო მე?... მხოლოდ იმიტომ, რომ მეც ეს 40 წელი მაკავშირებს ამ სკოლასთან – ამ სკოლის ყოფილი მოსწავლე სტუდენტობის პერიოდიდან დაუბრუნდი სკოლას – პიონერულ-ძღვანელი, ბიბლიოთეკარი, ქართულის მასწავლებელი და დირექტორი. ამ სკოლის ყოველი მისხალიც კი სულითხორცამდე საყვარელია ჩემთვის.“

ქალბატონმა მანანამ დამსწრე საზოგადოებას გააცნო სკოლის პირველი ორგანიზატორის, ცეცილია იაშვილის მიერ საიუბილეოდ მომზადებული უზარმაზარი ფოტოალბომი და წერილი-მილოცვა (ქალბატონი ცეცილია ჯანმრთელობის გამო ვერ დაესწრო ღონისძიებას); ყოფილი პედაგოგის, ნათელა კახიძე-სალიაშვილის მუსიკალური მისალოცი, მონატრება-წერილი და საკუთარი ლექსი, რომელიც გამოაგზავნა შორეული სალონიკიდან, სადაც სამუშაოდ იმყოფება.

წარმოდგენილი პროგრამით მოწვეულ სტუმრებს სკოლის თანამედროვე ცხოვრება გააცნეს.

ხალხური სიმღერისა და საკრავების წრის წევრმა მოსწავლეებმა კახური შაირები შეასრულეს.

ლამაზი დეკორაციებით გაფორმებული სცენა, იმერული სოფელი... გასულ წელს სკოლამ საინტერესო



კვლევითი მუშაობა ჩაატარა, შექმნა დავით კლდიაშვილის ვებგვერდი, გაიმართა მისი პრეზენტაცია. სხვადასხვა კლასების მოსწავლეებმა წარმოადგინეს ეპიზოდური „ქაშუშაძის გაჭირვებიდან“.

წამყვანმა დაახასიათა ოთხივე პედაგოგი. მადლობა გადაუხადა ოთხივე პედაგოგს ხანგრძლივი მოღვაწეობისათვის. დასძინა, რომ მათ გზა დაუთმეს მომავალ თაობას.

ღირსეულად დაასრულეს აქტიური მოღვაწეობა. ისინი ფლობდნენ სხვადასხვა ჯილდოებს, სიგელებს, მათ შორის არის ღირსების ორდენოსანი შუქურა მასწავლებელი. მათ ჰყავთ ღირსეული ცვლა – სკოლას ჰყავს პრეზიდენტის სტიპენდიანტი პედაგოგი და მოუთმენლად ელიან ახალ კონკურსებს სხვა კანდიდატების წარსადგენად. ამაზე მეტყველებს მუშაობის დატვირთული გრაფიკი: პარტნიორობის პროექტი – საჩვენებელი გაკვეთილები სამაჩაბლოს ზემო ნიქოზის პედაგოგებისათვის. ღია გაკვეთილები – მთაწმინდა-კრწანისის რაიონის სკოლების დაწყებითი კლასის პედაგოგებისა და კათედრის ხელმძღვანელებისათვის. რამდენიმე დღეში სამაჩაბლოში საპასუხო ვიზიტი.

სკოლის წარმატებებზე მეტყველებს 5 მედალოსნის, 5 „ჩემი პირველი კომპიუტერის“ არსებობა. რესურსცენტრის სპეციალისტმა სალომე ჯვალაძემ მათ საზეიმოდ გადასცა მედლები და ლეპტოპები: ოქრო – თამარ ნადარეიშვილს, ვერცხლი – თამარ ფირანიშვილს,

ელისო ზადალაშვილს, რუსუდან ფალავანდიშვილს, დავით მჭედლიშვილს; ლეპტოპები – ნონა ხუციას, ანი შულღიაშვილს, ანა ცერცვაძეს, სალომე დედალამაზიშვილს, ნინო ბაიაშვილს.

მათ ეს დღე მიულოცა ანსამბლმა „შვენაბადამ“, რომელმაც ქართული ცეკვების მოტრფიალე მრავალი თაობა აღუზარდა სკოლას.

სცენა დათმობთ მოსწავლეებს, რომლებმაც წარმოადგინეს მრავალენოვანი უბნის, ორთაქალის ერთი დღე. ნომერი შეცვალა ხალხური სიმღერების საკრავების წრემ სიმღერით საქართველოზე.

ქალბატონმა მანანამ დამსწრეთ შეახსენა: „დღევანდელი დღე კურსდამთავრებულთა ხელშეწყობით ტარდება. მათ სიურპრიზი მოვუზადეთ – გაკეთდა სტენდი სლოგანით: „სიკეთის ნერგებად დავბრუნდეთ!“, სადაც კურსდამთავრებულები ხელს მოაწერენ. აქცია ერთ-ერთად არ იქნება, სტენდზე ხელმოწერები გაგრძელდება. ამჯერად ეს პატივი ერგოთ: გუგა კანდელაკს, ნინო ასლანიშვილს, თეიმურაზ და ილია კობრიძეებს, ნათია ფერაძეს, გურამ და ეკა ცერცვაძეებს, მამუკა ჯავახიშვილს, ლადო და გია ბაიაშვილებს.“

ნინო ასლანიშვილმა პედაგოგებს ლექსი „ტანო ტატანო“ მიუძღვნა. შემდეგ ნუთიერი დუმილით პატივი მიაგეს გარდაცვლილი დირექტორების, პედაგოგების, მოსწავლეების ხსოვნას.

ამ მხატვრულად ნაიკითხა შ. მთვარელიძის ლექსი „მასწავლებელი“. სკოლის პედაგოგებმა უფროს კოლეგებს ქართული სიმღერები უმღერეს.

დირექტორმა ფულადი საჩუქრები გადასცა ღვანდღოსილ პედაგოგებს. მათ სიტყვით მიმართა ისან-სამგორის რაიონის კრწანისის მუნიციპალიტეტის თავმჯდომარე, მერაბ რაფაეა, რომელმაც, ასევე, ფულადი საჩუქრები გადასცა პედაგოგებს. ღვანდღოსილმა პედაგოგებმა მადლობა გადაუხადეს შეკრებილ საზოგადოებას და საღამოს იდეს ავტორს – მანანა კიკაჩიშვილს.

დასასრულ, სტუმრებს სიურპრიზი ელოდათ – სკოლის დერეფანში, სიმღერის პედაგოგებისა და სხვადასხვა კლასების მოსწავლეთა გუნდის მიერ შესრულებული მრავალუმიერის ფონზე გაიხსნა საპატიო კუთხე – ოქროსფერი აბრით, ოთხივე პედაგოგის გვარ-სახელით – „ქედს ვიხრით თქვენი ღვანდღოსის წინაშე“. დროთა განმავლობაში მათ სხვა გვარები და სახელებიც შეემატება.

ცრემლნარევ სიხარულს ვერ ფარავდნენ პედაგოგები. ბატონმა მერაბ რაფაეამ მადლობა გადაუხადა სკოლის დირექტორს და აღნიშნა, რომ ეს მაგალითი უნდა იყოს სხვა სკოლებისთვის: „დღევანდელი დღე მართლაც შედგა, მართლაც „მადლიერება – ჩუქურთმა სკოლის“...“

შორენა ზარდიაშვილი
დირექტორის მოადგილე
აღმზრდელი და რეჟისორი

ინკლუზიური განათლების საკითხებისადმი მიძღვნილი ნიგნების პრეზენტაცია

2008-2009 წლებში ეროვნული სასწავლო გეგმებისა და შეფასების ცენტრის მიერ ინკლუზიური განათლების მიმართულებით ახალი გამოცემები მომზადდა. ესენია:

- „ინკლუზიური განათლება – ვისწავლოთ ერთად“;
- „ფესტივლი ენის ლექსიკონი – მოლაპარაკე ხელები“;
- „ინკლუზიური განათლება – გზამკვლევი მასწავლებლებისათვის“.

ინკლუზიური განათლების მიზანია შეზღუდული შესაძლებლობების მქონე ყველა ბავშვს მიეცეს თანატოლებთან ერთად სწავლისა და ხარისხიანი განათლების მიღების თანაბარი შესაძლებლობა.

ახალ გამოცემაში წარმოდგენილია ის საკითხები, რომლებიც განსაკუთრებულ მნიშვნელობას იძენს სპეციალური საგანმანათლებლო საჭიროების მქონე მოსწავლეების განათლებისა და მათი სოციალური ინტეგრაციის პროცესში, საუბარია შეზღუდული შესაძლებლობების მქონე ადამიანებისა და საზოგადოების ურთიერთმიმართებაზე, მათ უფლებებსა და ინტერესებზე.

ყრუ და სმენადაქვევითებული ბავშვების რეაბილიტაციისა და ინკლუზიური განათლების პროცესში ჩართვის მიზნით, ეროვნული სასწავლო გეგმებისა და შეფასების ცენტრმა, საქართველოს ყრუთა კავშირთან თანამშრომლობით, გამოსცა პირველი ქართული ფესტივლი ენის ლექსიკონი „მოლაპარაკე ხელები“, რომელსაც თან ერთვის სამი DVD-დისკი:

- „ჩემი პირველი ანბანი ფესტივლი ენაზე“;
- „მოლაპარაკე ხელები“;



ზღაპრები (ფესტივლი ენაზე ითარგმნა: „წითელქუდა“, „ჩემებიანი კატა“, „კომბლე“ და „ნაცარქექია“). ნიგნები უსასყიდლოდ გადაეცა საქართველოს ყველა საჯარო სკოლას, ყველა რესურსცენტრს, ყრუ და სმენადაქვევითებულ ბავშვთა სპეციალიზირებულ სკოლებსა და ინკლუზიურ სკოლებს. ახალი ნიგნების პრეზენტაციამ მონაწილეობდნენ მინისტრის პირველი მოადგილე ირინე ქურდაძე, ეროვნული სას-

წავლო გეგმებისა და შეფასების ცენტრის დირექტორი ნათია ფოხაძე, ეროვნული სასწავლო გეგმებისა და შეფასების ცენტრის ინკლუზიური განათლების მთავარი კონსულტანტი თათია პაჭკორია, საქართველოს ყრუთა კავშირის თავმჯდომარე ამირან ბატატუნაშვილი.

„სწავლისას ბევრი ბავშვი განიცდის სწავლასთან დაკავშირებულ სირთულეებს, რაც შეიძლება გამოწვეული იყოს მოსწავლის ფიზიკური, ინტელექტუალური, სოციალური, ემოციური, ლინგვისტური თუ სხვა მდგომარეობით. ქვეყნის საგანმანათლებლო სისტემის ვალდებულებაა კი წარმოადგინოს მოძებნოს ყველა ბავშვის წარმატებით სწავლების გზები. ეს ნიგნები დაეხმარება როგორც ბავშვებს, ასევე მათ მშობლებს, პედაგოგებსა და სკოლებს. ახალ ნიგნებში ბევრი რეკომენდაცია და ინდივიდუალური მიდგომა სპეციალური საგანმანათლებლო საჭიროების მქონე მოსწავლეებისთვის,“ – აღნიშნა ეროვნული სასწავლო გეგმებისა და შეფასების ცენტრის ინკლუზიური განათლების მთავარმა კონსულტანტმა თათია პაჭკორიამ.

ინკლუზიური განათლების პროექტის განხორციელება საქართველოში 2006 წლის ნოემბერში დაიწყო. ამჟამად საქართველოს მასშტაბით დედაქალაქის 10 და რეგიონების 10 საჯარო სკოლაში მიმდინარეობს ინკლუზიური განათლების დანერგვა, სასწავლო პროცესში ჩართულია 500-ზე მეტი ბავშვი, გადამზადდა 500-მდე პედაგოგი და მშობელი ინკლუზიური განათლების მიმართულებით.

თანაკლასელები მსოფლიოზე

არც ისე დიდი ხნის წინ ბატუტზე ხტომაში საქართველო ერთ-ერთი წამყვანი იყო მსოფლიოში – ჯერ საკავშირო ნაკრების შემადგენლობაში, მერე – დამოუკიდებელი ქვეყნის სახელითაც. მხოლოდ მსოფლიოს ჩემპიონ რუსუდან ხოფერიას გახსენება რად ლირს, მაგრამ გერმანელთა ოლიმპიური ჩემპიონი ანა დოლონძეც აქაა დაოსტატებული. იყო შემთხვევა, როცა ახალგაზრდებისა და უფროსების მსოფლიოს პირველობაზე საკავშირო ნაკრების შემადგენლობაში 8 ოქროს მედალიდან 7 ქართველებმა მოიპოვეს. სპორტის ეს რომანტიკული სახეობა ოლიმპიური ოჯახის ერთ-ერთი უახლესი წევრია – პეკინში მხოლოდ მესამე თამაშების პროგრამაში შედიოდა. სამწუხაროდ, სამივეჯერ უმედლოდ დაფრჩით, მაგრამ ჩვენი კვალი მაინც დავტოვეთ – ათენში ხოფერია ფავორიტად მიიჩნეოდა და პატარა ტექნიკურმა ხარვეზმა დატოვა უმედლოდ, პეკინში კი ლუბა გოლოვინაზე იყო ყურადღება მიპყრობილი. ტურნირის ყველაზე ახალგაზრდა – 18 წლის და გარეგნობითაც გამორჩეული სპორტსმენი ხოფერიასავით გამოკვეთილ ფავორიტად არ მიიჩნეოდა, მაგრამ ახალგაზრდებში მსოფლიოს ჩემპიონი მაინც სპეციალისტთა ყურადღების ცენტრში იყო, როგორც ნიჭიერი და პერსპექტიული. საბოლოოდ გოლოვინა მეოთხეზე გავიდა.



რებმა იყორაღეს. განსაკუთრებით – გოგოებმა.

ყველაზე უმცროსთა – 11-12-წლიანთა ტურნირში თბილისის 49-ე საჯარო სკოლის ორი მექსეკლასელი გამოდიოდა – ანა ოდიშვილი, თონა ჯანჯღავა და ორივე ფინალში შევიდა. საკვალიფიკაციო ეტაპი უფრო უკეთ ჯანჯღავამ შეასრულა და მეოთხე შედეგით დაასრულა, ოდიშვილი კი მეექვსე იყო. ისე მოხდა, რომ ფინალში უფრო უკეთ ოდიშვილი გამოვიდა და საბოლოოდ ბრინჯაოს მედალიც მოიპოვა, რაც საერთაშორისო შეჯიბრებებს მიუჩვევლისთვის კარგი შედეგია. სამწუხაროდ, სამეულში ვერ მოხვდა ჯანჯღავა – ტექნიკური შეცდომა დაუშვა და მერვეზე დარჩა. სანყენია, მაგრამ ჭკუის სასწავლებელი. მით უფრო, როგორც ნაკრების მთავარი მწვრთნელი ზაურ სულაშვილი ამბობს, საკვალიფიკაციოში მან მაღალი შეფასება სწორედ

ილეთების ტექნიკურად დახვეწილად შესრულების გამო მიიღო. „ფინალშიც რომ მაღალი ადგილისთვის ებრძოლა, ვარჯიშების სირთულე უნდა გაეზარდა. ვარჯიშებზე გვირვენა, რომ ეს შეეძლო და ამიტომაც გაუზარდეთ, მაგრამ იქ შეცდა და მედალი დაკარგეთ. თუმცა მან დაგვანახა, რომ მომავალში წარმატების მოპოვება შეუძლია“ – თქვა სულაშვილმა.

თანაკლასელებს კიდევ ერთი მედლის მოპოვება შეეძლო – ისინი სინქრონულ ხტომებშიც ერთად გამოდიან და იქაც კარგად იხტუნავენ, ფინალშიც შევიდნენ, მაგრამ მეოთხეზე დარჩნენ. „ესენი უმედლოდ გამოუცდებლობის გამო დარჩნენ. კიდევ – მიუჩვევლობის გამო. კარგ განათებას მიუჩვეველი გოგოები ამბობენ, შუქი თვალეში გვაჭყიტებდა და ხელს გვიშლიდაო“ – აღნიშნა სულაშვილმა. სამწუხაროდ, მეოთხე ადგილი



დაებდა 14-წლიანთა ტურნირში მოასპარეზე დედაქალაქის 183-ე საჯარო სკოლის IX კლასელ ნანა გოგაშვილსაც – საკვალიფიკაციოც მეოთხემ დაასრულა და ფინალიც. თუმცა გოგაშვილი მწვრთნელისთვის სასიამოვნო სიურპრიზი აღმოჩნდა: „მისგან ამდენს არ ველოდებოდით, მაგრამ საკვალიფიკაციოში კარგად იხტუნავა და ნამდვილად გაგვახარა. თანაც ფინალში კარგი შედეგით – მეოთხე ადგილით შევიდა. დასანანი, რომ ისიც პატარა შეცდომამ დატოვა უმედლოდ – ბრინჯაოს მედალოსანთან ძალიან ცოტათი ნააგო“.

„ჩვენს ახალგაზრდებს საერთაშორისო ტურნირებში მონაწილეობის გამოცდილება აკლიათ. მსოფლიოს ჩემპიონატებში 4-5 წელიწადია, არ გამოვსულვართ, თუმცა როცა გამოვდიოდით, უმედლოდ არასოდეს დავრჩენილვართ. მისასალმებელია, ტრადიცია რომ

გრძელდება. გოგოების ნაკრების გამოსვლით კმაყოფილი ვარ იმის მიუხედავად, რომ კიდევ მეტი მედლის მოპოვება შეგვეძლო. განსაკუთრებით აღვნიშნავ ოდიშვილის გამოსვლას – ამ რანგის ტურნირზე მოპოვებული მედალი ძალიან მნიშვნელოვანია, თუმცა უკმაყოფილო არც სხვების გამოსვლით ვარ. ცხადია, ნიჭიერი მოზარდები არიან, ძალიან კარგი თაობა მოდის, მაგრამ შეჯიბრებებში ხშირი მონაწილეობა აუცილებელია, უფრო ხშირი საშეჯიბრო პრაქტიკაა საჭირო. აუცილებელია ვარჯიშების სირთულის გაზრდა, რაშიც მუდამ ლიდერები ვიყავით“ – განაცხადა სულაშვილმა.

სანქტ პეტერბურგში ვაჟთა ნაკრებიც გამოვიდა. იმათგან ყველაზე უკეთ დედაქალაქის მე-10 საჯარო სკოლის მოსწავლემ, ზურაბ ნიხაძემ იხტუნავა, რომელიც XIV ადგილზე გავიდა.

კახიანის წარმატება



ქართველი მოფარიკავე გოგონა დორთეთა კახიანი წარმატებით გამოვიდა გერმანულ გოპინგენში გამართულ ჭაბუკთა ევროპის თასის გათამაშებაში – 120 მონაწილეს შორის მერვე ადგილზე გავიდა. საკვალიფიკაციო ეტაპზე 6-დან 4 შეხვედრა მოიგო და ფლეი ოფში გავიდა. საბედნიეროდ, იქაც გააგრძელა წარმატებული სვლა. პირველი ორი წრე რუსთა ძლევის მოანდომა – 1/64-ფინალში დარია კამიჩეტოვა დაჯაბნა, 1/32-ში – ვიქტორია კიუბარკი. ყველაზე ძლიერი მეტოქე 1/16-ფინალში შეხვდა – ტურნირზე მეოთხე ნომრად განთესილი პოლონელი ანგელიკა ვატორი, თუმცა კახიანს არც მისი დამარცხება გასჭირვებია. შემდეგ კიდევ ერთი შეხვედრა მოიგო – მერვედფინალში უნგრელ ლილი დრაშკოსთან, მეოთხედფინალში კი მისი წარმატებული ასპარეზობა რუსმა მარია რიდელმა შეაჩერა, სულ რაღაც ორიოდ ქულით კახიანმა 13:15 წააგო. საბოლოოდ მერვეზე გავიდა, რაც კარგი შედეგია.

გოპინგენში ჩვენმა ვაჟებმაც იფარიკავეს. მართალია, არა ასეთი წარმატებით, მაგრამ ფლეი ოფში ორივე მოხვდა – ალექსანდრე ბაზაძე 1/16-ფინალში დამარცხდა და 27-ე ადგილზე გავიდა, მიხეილ მარდალიშვილი კი 1/32-ფინალიდან გამოვარდა და 39-ზე დარჩა.

პირადი პირველობის შემდეგ ჩვენი მოფარიკავეები გუნდურ პირველობაშიც გამოვიდნენ, ოღონდ აქ სრულყოფილი გუნდის შესაქმნელად ორი უკრაინელიც დაიმატეს. ინტერნაციონალური ნაკრები, 22 მონაწილეს შორის, მეხუთეზე გავიდა.

ძიუდოსტაგა მონაწილეები გაარკვიეს

14-16 აგვისტოს სინგაპური პირველად უმასპინძლებს მსოფლიოს ახალგაზრდების ოლიმპიურ თამაშებს. იქამდე ჯერ დიდი დროა, თუმცა მონაწილეების შერჩევა უკვე იმდინარეობს. ცოტა უცნაურია კვოტების განაწილება საჭიდაო სახეობებში – ძიუდოში, თავისუფალსა და ბერძნულ-რომაულ ჭიდაობებში – ქვეყანაზე მხოლოდ ორი კვოტა. ფედერაციები არც ამ არჩევანში არიან ბოლომდე თავისუფალნი, რადგან მკაცრად ევალებათ გენდერული ბალანსის დაცვას – ორი ფალავანიდან ერთი აუცილებლად გოგო უნდა იყოს. თავისუფალსა და ბერძნულ-რომაულ ჭიდაობებში გოგო რომ არ გვეყოლება, აქედანვე ცნობილი – ქალთა ჭიდაობა ჩვენთან ჯერ კიდევ არაა განვითარებული, ძიუდოში კი ორივე სქესის წარმომადგენელი გვეყოლება – სოფო ბერიძე (57) და ბექა ტულუში (60).

ძიუდოსტებისთვის სალიცენზიო ტურნირი ბუდაპეშტში გამართული მსოფლიოს ჩემპიონატი იყო. იქ ბერიძემ ერთი შეხვედრა მოიგო, ჩვენთვის ისტორიული, რამაც სინგაპურის საგზური მოუტანა. თან მის წინ მდგომთან ერთ-ერთმა სინგაპურში წასვლა იუარა. მის კანდიდატურას საბოლოოდ თებერვალში დაამტკიცებენ.

ვაჟებში სინგაპურის საგზური მძიმეწონოსანმა როსტომ ხახალიშვილმა მოიპოვა – მეორეზე გავიდა, თუმცა საქმეში

წონის პრობლემა და მამამისი, ოლიმპიური ჩემპიონი დავით ხახალიშვილი ჩაერივნენ და საგზურიც ტულუშს დარჩა. საქმე ისაა, რომ უმცროსი ხახალიშვილი მონაწილეთათვის დასამებ 100 კილოგრამს 20 კილოთი აჭარბებს, ამდენის დაკლება კი მამამ არ ურჩია. ამის შემდეგ მწვრთნელს ალტერნატივად მხოლოდ ტულუში დარჩათ, რადგან ბუდაპეშტში, ამ ორის გარდა, მედალი სხვას არ მოუპოვებია.

ძარბაშელთა აზერბაიჯანული გამოცდა

ამ უქმეებზე ჩვენმა ჭაბუკ მძლეოსანთა სამკაცინამა ჯგუფმა, ბაქოში, საერთაშორისო ტურნირში იასპარეზა და წარმატებითაც – სამჭიდში ბაჩანა ხორავამ გაიმარჯვა, ლაშა ლულელაური კი მეშვიდეზე გავიდა. ვერცხლის მედალი მოიპოვა სალომე აფშილავამ. სამივე სპორტსმენი სინგაპურში გასამართი მსოფლიოს პირველი ახალგაზრდული თამაშების კანდიდატადაა მიჩნეული, ლულელაურისგან კი მედალსაც ელოდებიან.



რუბრიკას უძღვევა ირაკლი თაყაიძე

<p>მთავარი რედაქტორი: მარიკა ჩიქოვანი</p>	<p>მისამართი: ტაბატაშვილის №3 ტელ.: 95-80-23, 890 958023, 855 411668, 855 178027.</p> <p>www.axaliganatleba.ge E-mail: axaliganatleba@gmail.com, ganatleba@mail.ru</p>	<p>რედაქციის რეკვიზიტები: საპარტოველო ბანკი</p> <p>გ/კ 220101502, ს/კ 202058735, ა/ა 123631000</p>
	<p>რეგისტრაციის № 2/4-1609, ინფორმაციის ცენტრი: 76096</p> <p>გაზეთი რეგისტრირებულია დიდუბის რაიონის სასამართლოს მიერ.</p> <p>რედაქციაში შემოსული ხელნაწერები არ რეცენზირდება და ავტორებს არ უპრუნდებათ.</p>	